

四庫全書

集部

欽定四庫全書

集部

文選卷二十三

詳校官庶吉士

臣汪彥博

助教

臣常循覆勘

總校官編修

臣

王燕緒

校對官中書

臣

吳紹昱

謄錄監生

臣

邱卿雲

欽定四庫全書

文選卷二十三

梁昭明太子蕭統編

唐李善呂延濟劉良張銑呂向李周翰註

詠懷

詠懷詩十七首

五言 顏延年曰說者謂阮籍在晉文代常慮禍患故發此詠耳

阮嗣宗

善曰臧榮緒晉書云阮籍字嗣宗陳留尉人容貌瑰傑志氣宏放蔣濟辟為

掾後謝病去為尚書郎遷步兵校尉籍屬文初不苦思率爾便作成陳留八十餘篇此獨

取十七首詠懷者謂人情懷藉於魏末晉文
之代常慮禍患及已故有此詩多刺時人無
故舊之情逐勢利而已觀其體趣實謂
幽深非夫作者不能探測之 向註同

顏延年沈約等註

夜中不能寐起坐彈鳴琴

濟曰夜中喻昏亂不能寐言
憂也彈琴欲以自慰其心

薄帷鑒明月清風吹我衿

善曰廣雅曰鑑照也
銑曰帷帳鑒照也

孤鴻號

外野翔

善作
翔字

鳥鳴北林

善曰廣雅曰號鳴也
鴻喻賢臣孤獨在外號
向曰孤

痛聲也

翔鳥驚鳥好迴飛
臣在近則謂晉文王也

徘徊將何見憂思獨傷心

善

嗣宗身任亂朝常恐罹謗遇禍因茲發詠故每有憂生
之嗟雖志在刺譏而文多隱避百代之下難以情測故

粗明大意畧其幽旨也

翰曰由此而憂思

二妃游江濱逍遙順風翔交甫懷環珮婉孌特力有芬芳

猗靡情歡愛千載不相忘

善曰列仙傳曰江妃二女出遊江濱交甫遇之張平

子南都賦曰游女弄珠於漢皋之曲韓詩外傳曰鄭交甫將南適楚遵彼漢皋臺下乃遇二女佩兩珠大如荆難之卯王逸楚辭注曰在衣曰懷毛萇詩傳曰婉孌少好貌子虛賦曰扶與猗靡貌濟曰江妃二女游於江濱解珮以贈鄭交甫也翔行也婉孌美貌良曰猗靡相思不相忘者情意深也交甫則未如此籍飾成此文

傾城迷下蔡容好結中腸

善曰漢書李延年歌曰一顧傾人城登徒子好色賦曰臣

東家之子嫣然一笑惑陽城迷下蔡銑曰言美女傾人之城迷惑下蔡之邑由此容兒美好結人心腸皆謂

晉文王初有輔政之心為美行佐主有如此者感激生憂思萱草樹蘭房膏沐

為誰施其雨怨朝陽

善曰趙收孟子章指曰千載聞之猶有感激毛詩曰焉得諼草言樹

之肯又曰豈無膏沐誰適為容又曰其雨其雨果果出日鄭玄曰人言其雨其雨果果然日復出猶我言伯且來伯且來則復不來也伯且君子字銑曰後遂專權而欲篡位使我感激而生憂思萱草忌憂也蘭香草也言我將忌此憂自修芳香之行膏沐仁義之道念天下若此將誰為施之詩云其雨其雨果果出日言本望得雨不謂日出亦猶本期輔弼不謂篡奪也如何金石交一旦更離傷沈約曰婉嬖則

千載不忘金石之交一旦輕絕未見好德如好色善曰漢書曰楚王使武涉說韓信曰足下雖自以為與漢

王為金石交然今為漢王所禽矣翰曰言臣主初為金石固交一朝離傷使如此也旦朝也

嘉樹下成蹊東園桃李秋風吹飛藿零落從此始顏延

年曰左傳季孫氏有嘉樹沈約曰風吹飛藿之時蓋桃李零落之日華實既盡柯葉又凋無復一毫可悅善

曰班固漢書李廣贊曰訪曰桃李不言下自成蹊說文曰藿豆之葉也楚辭曰惟草木之零落濟曰嘉美也

蹊道也藿猶葉也言及秋風而零落也言晉當魏盛時則盡忠及微弱則陵之使魏室零落自此始也繁

華有憔悴堂上生荆杞

善曰言無常也文子曰有榮華者必有憔悴班固答賓戲曰朝

為榮華夕為憔悴山海經曰零夕之山下為荆杞郭璞曰杞枸杞銑曰荆杞喻奸臣言因魏室陵遲奸臣是

生奸臣則驅馬舍五臣作捨之去去上西山趾善曰西山夷齊所居言欲

從之以避世禍銑曰西山伯夷叔齊隱處也趾山足也言晉無始終不及夷齊故上西山也一身不

自保何況戀妻子

沈約曰榮悴去就此人本無保身之術況復妻子者乎向曰言過此時

不可疑霜被野草歲暮亦云已

沈約曰歲暮風霜之時從然而已耳善曰繁霜已

凝歲亦暮止野草殘悴身亦當然楚辭曰凝凝霜之紛紛字書曰凝水堅也毛詩曰歲聿云暮蒼頡篇曰已畢也向曰已盡也言霜凝歲暮野草當盡我值今日身亦固然此乃籍憂生之詞也

昔日繁華子安陵與龍陽

善曰史記曰不以繁華時林本說苑曰安陵君纏得龍於

楚恭王江乙謂纏曰吾聞以財事人者財盡則交絕以色事人者華落則愛衰子安得長被幸乎會王出獵江渚有火若雲蛇咒從南方來正觸王驂善射者射之咒死於車下王謂纏曰萬歲後子將誰與樂纏泣下沾衣曰大王萬歲後臣將殉恭王乃封纏車下三百戶故江乙善謀安陵善知時龍陽君釣十餘魚而棄泣下王曰

有所不安乎對曰無王曰然則何為涕出對曰臣始得魚甚喜後得益多而又欲棄前之所得也今以臣光惡而得拂枕席今爵至人君走人於庭避人於塗四海之內其美人甚多矣聞臣之得幸於王畢褰裳而趨王臣亦曩之所得魚也亦將棄矣安得無涕出乎王乃布令敢言美人者族濟曰繁華喻人美盛如春華之繁餘

同善

天天桃李花灼灼有輝光

善曰毛詩曰桃之天天灼灼其華良曰天天

美貌灼灼明貌

悅懌若九春磬折似秋霜

善曰春秋元命苞曰陽氣數成於三故時

三月陽數極於九故三月一時九十日宋衷曰四時皆象此類不唯春也尚書大傳曰諸侯來受命周公莫不磬折 銑曰懌樂也春陽也陽數九故云九春萬物悅樂之時也磬樂器其形曲折秋霜能摧折萬物言此二人自屈折曲事君有如此者秋殺也 流盼發姿媚言笑吐芬芳攜手等歡

愛宿昔同衣裳

善曰神女賦曰陳嘉詞而云對吐芬芳其若蘭廣雅曰宿夜也向曰昔夜也

願為雙飛鳥比翼共翱翔

善曰建安中無名詩曰中有雙飛鳥自名為鴛鴦翰曰

此情相得願為比翼之鳥雙飛而游

丹青著明誓永世

五臣作千載

不相忘

善曰

以財助人者財盡則交絕以色助人者色盡則愛弛是以嬖女不弊席嬖男不弊與安陵君所以悲魚也亦豈能丹青著誓永代不忘者哉蓋以俗衰教薄方直道喪攜手笑言代之所重者乃足傳之永代非止恥會一時故託二子以見其意不在分挑斷袖愛嬖之懼丹青不渝故以方誓東觀漢記光武詔曰明設丹青之信廣開束手之路濟曰誓約如丹青分明雖千載而不相忘也言安陵龍陽以色事楚魏之主尚猶盡心如此而晉文王蒙厚恩於魏不能竭其股肱而將行篡奪籍恨之甚故以刺也

天馬出西北由來從東道

沈約云由西北來東道也
善曰漢書曰天馬來從西極

涉流沙九夷服天馬來歷無草經千里循東道張晏曰
馬從西而來東也良曰漢伐大宛得駿馬乃作天馬

歌言天馬來自西北從
於東道此亦萬事不定春秋非有託五臣富貴焉常保

沈約曰春秋相代若環之無端天道常也譬如天馬本
出西北忽由東道况富之與貧貴之與賤易至乎善

曰鄭玄禮記注曰託止也銑曰春秋相
代託竟之時而富貴者安能長保持也清露被臯蘭

凝霜霑野草

善曰迅疾也楚辭曰臯蘭被徑兮斯路漸
楚辭曰漱凝霜之紛紛字書曰凝冰堅也

古詩曰白露沾野草向曰春露秋霜互以相代言霜
凝歲暮野草當盡我值今日身亦固然此乃籍憂生之

詞朝為媚五臣少年夕暮成醜老自非王子晉誰能常

文選

五

美好

善曰列仙傳曰王子喬者周靈王太子晉也好吹笙作鳳鳴游伊洛之間道人浮丘公接以上嵩山

後於緱山乘白鶴駐山頭舉手謝時人數日而云
曰王子晉古仙人以喻真正之士言世人逐時興衰非

有長生

者也

登高臨四野北望青山阿松栢翳岡岑飛鳥鳴相過

善曰

應劭風俗通曰葬於郭北北首來諸幽之道仲長子昌言曰古之莖植松栢梧桐以識墳
濟曰阿曲翳蔽也

但立墓松栢飛鳥往來而已

感慨懷辛酸怨毒常苦多

善曰蒼頡篇曰懷抱也史

記太史公曰怨毒之於人甚矣哉廣雅曰毒痛也良曰由此而怨歎也慨歎息也辛酸鼻也毒病也

李

公悲東門蘇子狹三河求仁自得仁豈復歎咨嗟

沈約曰河

南河東河北秦之三川郡古人呼水皆為河耳蘇子以
兩周之狹小不足逞其志力故去佩六國印也云二子
豈不知進趨之近禍敗哉常以交利貨賂禍故冒而行
之所謂求仁得仁也松栢岡岑丘墓所在也古有皆死
之義莫有免者焉達者安小大之涯各遂分內之樂委
天任命以至於俱為一丘之土夫何異哉故因北望山
阿而發此句明徂謝之理雖同大逝之遠則異也感慨
之來誠逝者所不免至於顛沛逆天怨毒求生蘇子李
斯張本也善曰李斯蘇秦同饒注漢書東方朔曰漢
興去三河之地止灞澠以西論語子貢曰伯夷叔齊何
人也子曰古之賢人曰怨乎曰求仁而得仁又何怨
饒曰李公李斯也本楚上蔡人度楚不足仕乃說秦平
六國而為丞相臨刑謂其子曰吾欲與汝牽黃犬出上
蔡東門逐狡兔之樂其可得乎故云悲東門蘇子蘇秦
也本洛陽人洛陽三川之地則三河也蘇秦以其地狹
小不足逞其志乃游說六國佩其相印後爭寵於齊為

刺客所殺言二子豈不知趨勢利以近禍敗也為而犯之者亦猶求仁得仁誰復為之嗟矣籍登高望見丘墳松栢而懷李公蘇子以為世人不知止足後必悔恨有如此者

開秋兆涼氣蟋蟀鳴牀帷

善曰開秋秋初開也楚辭曰開春發歲兮四子講德論曰

蟋蟀候秋吟下今言初秋始

向曰詩云十月蟋蟀入我牀涼已鳴林惟者傷時政迫促

感物懷殷

憂悄悄令心悲

善曰古詩曰感物懷所思韓詩曰耿耿不寐如有殷憂毛詩曰憂心悄悄愠于

羣小時政也

翰曰感物感

多言焉所告繁辭將訴誰

沈約曰重言之

猶云懷哉懷哉辭終不見信

善曰論衡曰甘談繁良曰言此心無所告訴

微風吹羅袂明

月耀

五臣作曜

清暉晨雞鳴高樹命駕起旋歸

善曰樂錄曰雞鳴高樹顛

古辭孔叢子孔子歌曰中車命駕將適唐都毛詩曰薄言旋歸濟曰微風喻魏將滅教令微也明月喻晉王為冉權臣也難知時者言我亦知時如此將命駕歸于山林隱居而避此亂代

平生少年時輕薄好絃歌西游咸陽中趙李相經過

顏延

年曰趙漢成帝趙后飛燕也李武帝李夫人也並以善歌妙舞幸於二帝也善曰論語曰久要不忘平生之言范曄後漢書曰光武曰孝孫素謹輕薄兒誤之孝孫劉嘉字史記曰秦作咸陽徙都也良曰漢都咸陽也趙李並善歌舞故託以經過也娛樂未終極白日忽蹉跎驅馬復來歸

反顧望三河黃金百鎰

善作

盡資用常苦多北臨太行

道失路將如何

善曰少年之日志好絃歌及乎歲晚旋歸路失財盡同乎太行之子當如之何

乎戰國策曰魏王欲攻邯鄲李梁聞之中道而反衣焦不信頭塵不浴往見王曰今者臣來見人於太行乃北面而持其駕告臣曰我欲之楚臣曰之楚將奚為北面曰吾馬良臣曰雖良此非楚之道也曰吾用多臣曰雖多此非之楚之路也曰吾善御此數者逾善而離楚逾遠耳今王動欲成霸王舉欽信於天下恃王國之大兵之精銳而欲攻邯鄲以廣地尊名王之動逾數而離王逾遠耳猶至楚而北行也高誘曰面向也駕馬也之至也用資也賈逵國語注曰一鑑二十四兩向曰晉文王河內人故託稱二河言人輕薄之情平生經過游樂於魏都之中及魏室衰暮皆去而望晉翰曰李梁謂魏王曰同善注言雖黃金百鎰資用苦多豈可供其失路之費也喻人素有美行於魏今失路歸晉其於美行盡以喪矣將如之何哉

昔聞東陵瓜近在青門外連畹距阡陌子母相鉤

善作

帶五色曜朝日嘉賓四面會

善曰軫當為吟宋衷太玄經注曰吟界也說文

曰吟井田間陌也孔安國尚書傳曰距至也子母五色俱謂瓜也史記曰邵平者故秦東陵侯秦破為布衣貧

種瓜於長安城東瓜美故時俗謂之東陵瓜從邵平始也漢書曰霸城門民間所謂青門也毛詩曰我有嘉賓

良曰吟界距至也阡陌皆道也子母瓜之子母也鈞帶猶連緇也瓜有五色其光曜日嘉賓邵平之客濟

曰邵平瓜美足供賓客

膏火自煎熬多財為患害布衣可終身寵

祿豈足賴

沈約曰當東陵侯侯服之時多財爵貴及種青門瓜匹夫耳實由善於其事故以味美見

稱連吟阡陌五色相照非唯周身瞻己乃亦生致嘉賓夫得固易失榮難久恃膏以明自煎人以財興累布衣可以終身豈寵祿之足賴哉善曰莊子曰山木自寇也膏火自煎也漢書疎廣曰愚而多財則益其過左氏

傳曰石碯曰四者之來寵祿過也又宋華元曰不能治官敢賴寵乎 銑曰膏以明而受煎熬人以財而見患

害豈如邵平復為布衣終身不仕至於寵祿何足恃賴顧朝廷若是願以退居故有此辭

步出上東門北望首陽岑

善曰河南郡國經曰東有三門最北頭曰上東門河南郡

境界傳曰城東北十里首陽山上有首陽祠一所 向曰上東門洛陽東門首陽山伯夷叔齊避周之隱處

下有采薇士上有嘉樹林

沈約曰夷齊尚不食周粟況取之以不義者乎 善曰史

記曰武王平殷伯夷叔齊恥之義不食周粟隱於首陽山采薇而食之顏延之曰史記龜策傳曰無蟲曰嘉林

翰曰薇亦藿也可食之采薇士則夷齊也嘉樹謂嘉美之樹

良辰在何許凝霜霑衣

襟

五臣作衿寒風振山岡玄雲起重陰

沈約曰良辰何許言世路險薄非良辰也

風霜交至凋殞非一玄雲重陰多所擁蔽是以寄言夷齊望首陽而嘆息善曰東征賦曰撰良辰而將行王

仲宣詩曰白露沾衣良曰良辰謂和平也凝霜霑衣衿以喻衰代言和平之時今在何處而使衰代及人

鮑曰風振雲陰喻晉王專權而冒上鳴鴈飛南征題呻鵠決發哀音沈約曰此

鳥鳴則芬芳歇也芬芳歇矣所存者梟腐爾善曰楚辭曰鴈邕邕而南遊又曰恐題鵠之先鳴使夫百草為之

不芳向曰鳴鴈飛征喻賢臣素質由商聲悽愴傷我遠去題鵠哀音喻邪臣讒佞

心沈約曰致此凋素之質由於商聲用事秋時也遊字應作由古人字類無定也善曰禮記曰孟秋之月

其音商鄭玄曰秋氣和則音聲調韋曰商聲秋之聲也草木凋素由商聲用事國家衰弱由姦臣執政是用

傷我心矣

昔年十四五志尚好書詩

五臣作詩書曰吾十有五而志于學杜預

善曰論語子

左氏傳注曰尚上之耳

被褐懷珠玉顏閔相與期

善曰家語子路問於孔子曰有

人於此被褐而懷玉何如子曰國無道可也國有道則衮冕而執玉也論語孔子曰有顏回者好學不幸短命死矣史記曰閔損字子騫濟曰褐布衣珠玉喻道德顏回閔子騫皆孔子弟子言少時學道德與此游從

開軒

五臣作都字

臨四野登高有望

善作

所思

良曰開都謂出於都外所思謂

思古之

丘墓蔽山岡萬代同一時

善曰方言曰冢大者為丘銑曰言自古

死至於今日故謂同一時也

千秋萬

五臣作百字

歲後榮名安所之乃悟

善作

羨門子噉噉

叫

今自嗤

善作出字沈約曰自我以前祖謝者非一雖或稅駕

參差同為今日之一丘夫豈異哉故云萬代同一時也
若夫被褐懷玉託好詩書聞軒四野昇高永望志事不
同徂沒理一追悞羨門之輕舉方自羨爾善曰戰國
策曰楚王謂安陵君曰寡人萬歲千秋之後誰與樂此
矣淮南子曰死有遺業生有榮名薛綜西京賦注曰安
馬也史記曰始皇使燕人盧生求羨門韋昭曰古仙人
也說文云嗤笑也嗤與虫同向曰羨門子古仙人也
乃悟羨門輕舉而我負累所以自嗤籍憂生於理以此
釋自

徘徊蓬池上還顧望大梁

善曰漢書地理志曰河南開封縣東北有蓬池或曰即宋

蓬澤也又陳留郡有浚儀縣故大梁也
輸曰蓬池池名大梁古梁城名

綠水揚洪波曠野

莽茫茫

善曰毛詩曰率彼曠野楚辭曰莽茫茫之無走
涯毛萇曰茫茫廣大也濟曰洪大莽草也

獸交橫馳飛鳥相

五臣作自字

隨翔是時鵲火中日月正相

望

善曰左氏傳曰晉侯伐虢公問卜僂曰吾其濟乎對曰克之其九月十月之交乎鵲火中必是時也杜預

曰夏之九月十月也尚書曰二月既望孔安國曰十五日日月相望也

銑曰喻亂時人怖懼良曰孟冬之

月七星中星鵲火次星也日月相望十五十六也

朔風厲嚴寒陰氣下微霜

善曰

爾雅曰朔北方也杜預左氏傳注曰厲猛也曾子曰陰氣騰則凝為霜

向曰朔北也寒霜喻奸臣之害人者

羈旅無疇匹俛仰懷哀傷

善曰左氏傳曰陳敬仲曰羈旅之臣也

翰曰代多邪佞

故我無疇匹而俯仰悲傷

小人計其功君子道其常豈惜終憔悴詠

言著斯章

沈約曰豈惜終憔悴蓋由不應憔悴而致憔悴君子失其道也小人計其功而通君子道

其常而塞故致憔悴也因乎眊眊多懷兼以羈旅無匹而發此詠善曰孫卿子曰天有常道君子有常體君子道其常小人計其功翰曰小人計邪諂以為功君子守正直以為常良曰言我守以正道豈能憔悴及已所以著此詩以自明也

炎暑惟茲夏三旬將欲移

善曰南方為火而主夏火性炎上故謂夏月為炎暑也薛

君韓詩章句曰惟辭也鄭玄毛詩箋曰炎熱氣也銑曰三旬謂六月之旬欲入於秋也喻魏之末權移於晉

芳樹垂綠葉清雲自逶迤

善曰淮南子曰志厲清雲楚辭曰載雲旗之逶迤向曰

喻魏尚有餘德者逶迤長遠也

四時更代謝日月遞差馳

善曰孫卿子曰日月遞照

四時代御馳言相次而奔馳也

翰曰差

徘徊空堂上怛怛莫我知

善曰毛詩曰勞

心怵怵又曰勞心怵怵楚辭曰國無人兮莫願覩卒歡
我知濟曰怵怵憂傷也莫我知莫知我也願覩卒歡

好不見悲別離

善曰言四時代移日月遞運年壽將盡而人莫已知恐被讒邪橫遭擯斥故云

願卒歡好而不見別離良曰卒終也不見言不欲見別離也喻晉篡魏而別離也

灼灼西頽

善作

日餘光照我衣

善曰楚辭曰日者而西頽

迴風吹

四壁寒鳥相因依

銑曰頽日喻魏也尚有餘德及人迴風喻晉武四壁喻大臣寒鳥喻小臣

也周周尚銜羽蛩蛩亦念飢

善曰韓子曰鳥有周周者首重而屈尾將欲飲於河

則必顛乃銜羽而飲今人之所有飢不足者不可以不索其羽矣爾雅曰西方有比肩獸焉與印印岨虛比為印印岨虛齧甘草即有難印印岨虛負而走其名謂之厘郭璞曰蜃音厥向曰周周蛩蛩同善注以喻若臣

相須而濟有
晉不能如此
如何當路子磬折忌所歸豈為夸苦譽五

作與
字
名憔悴使心悲
沈約曰天寒即飛鳥走獸尚知相依周周銜羽以免顛仆蛰蛰負蟻

以擇美草而當路者知進趨不念暮歸所安為者惟夸
譽名故致憔悴而心悲也
善曰孟子公孫丑問曰夫子

子當路於齊管晏之功可復許乎
晏母遂曰當仕路也
尚書大傳曰諸侯來受命周公莫不磬折磬樂器其形

曲折
呂氏春秋曰古之人有不肯富貴者由重生故也
非夸以名也為其實也
司馬彪莊子注曰夸虛名也鄭

玄禮記注曰名令聞也
翰曰當路子喻大臣也皆磬
折曲從以媚晉主而忌致君之道
良曰此人皆夸大

其名譽而致身趨附之
地使我憔悴而心悲
寧與鷺雀翔不隨黃鵠飛黃鵠

游四海中路將安歸
沈約曰若斯人者不念己之短翮不隨燕雀為侶而欲與黃鵠比游

黃鵠一舉冲天翱翔四海短翮追而不逮將安歸乎為其計者宜與燕雀相隨不宜與黃鵠齊舉善曰漢書息夫躬絕命辭曰玄雲決鬱將安歸濟曰鶯雀喻姦佞黃鵠喻賢才言世人寧與姦佞相濟其要安於爵祿不能與賢才盡力於君而受其黜退也

獨坐空堂上誰可與歡者出

五臣作山字

門臨永路不見行

車馬

銑曰言人皆趨權臣無與已同

登高望九州悠悠分曠野孤鳥西

北飛離獸東南下

向曰孤鳥離獸東南西北喻下人值亂代皆分散而去

日暮思

親友晤言用自寫

善曰毛詩曰彼美淑姬可與晤言鄭玄曰晤對也翰曰言思志者與舒

寫其心
晤明也

北里多奇舞濮上有微音

善曰史記曰紂使師涓作新聲北里之舞禮記曰桑間濮

上之音亡國之音也

濟曰紂使師延作北里之舞靡靡之樂紂亡延投濮水而死衛靈公宿於濮水上聞其

音使師涓寫之言時尚其荒淫

輕薄閒游

五臣作

子俯仰乍

五臣作

浮沉

五臣

作沈捷徑從狹路俛趣荒淫

善曰輕薄之輩隨俗浮沈棄彼大道好從狹路不尊恬淡

競赴荒淫言可悲甚也漢司馬遷書曰從俗浮沉與時俯仰

銑曰代人輕薄逐勢興衰而從之向曰捷徑狹路非正道俛亦俯仰也

馬見王子喬乘雲翔鄧林獨有延年術

可以

五臣作

慰我心

善曰子喬離俗以輕舉全性以保真其人已遠故云焉見其法不滅

故云可慰心楚辭云譬若王喬之乘雲兮載赤雲而陵太清山海經曰夸父與日競逐而渴死其杖化為鄧林

楚辭曰延年不死分壽何所止方言曰延長也毛詩曰仲山父永懷以慰其心毛萇曰慰安也 翰曰王子喬古之仙人也鄧林林名 濟曰籍見時代若此但以全身為上故美之

湛湛長江水上 有楓樹林

善曰楚辭曰湛湛江水兮上有楓樹 良曰湛湛水平貌

楓木名

皐蘭被徑路 青驪逝駸駸

善曰楚辭曰皐蘭被徑分斯路漸又曰青驪結

駢齊千乘毛詩曰駕彼駢牡載驟駸駸

駸駸七林切 銑曰澤畔曰皐青驪馬也逝去也以喻

日去 遠望令人悲 春氣感我心

向曰望此則知春不留人生非久故感我心緒

三楚多秀士 朝雲進荒淫

善曰孟康漢書注曰舊名江陵為南楚吳為東楚彭城為

西楚呂氏春秋曰舜耕於歷山秀士從之高唐賦曰妾旦為朝雲 翰曰三楚謂楚文王都郢昭王都鄢考烈

王都壽春秀士謂秀茂之士宋王之流也王為高堂賦
云朝為行雲暮為行雨諷荒淫之事進諫於君言朝廷
之士隨風逐此朱華振芬芳高蔡相追尋一為黃雀哀涕
流無能如此

下誰能禁

善曰戰國策曰莊辛諫楚王曰郢必危矣王獨不見黃雀俯啄白粒仰栖茂樹鼓翅奮翼

自以為與人無爭不知夫公子王孫左扶彈右攝丸以
其類為招畫游茂樹夕調酸醎爾黃雀其小者也蔡靈
侯因是已南遊高陵北遊巫山飲茹溪之流食湘波之
魚左抱幼妾右擁嬖女與之馳騁乎高蔡之中而不以
國家為事不知夫子發受命乎靈王繫已以朱絲而見
之也蔡靈侯之事其小者也君王因是已左州侯右夏
侯從鄢陵與壽陵君飯封祿之粟載方府之金與之馳
乎雲夢之中而不以天下國家為事事不知夫穰侯方
謀受命乎秦王填澠塞之內而投已乎澠塞之外襄王
聞顏色變四體戰慄於是乃執珪中授之封以為陽陵

若延叔堅戰國策論曰因是已因事已復有是也茹溪
溪流所沃者美好色也孔叢子賈子陽謂子思曰吾念
周室將滅涕泣不禁禁止也良曰朱華喻榮盛高蔡
事同善注言魏初榮盛後如高蔡黃雀之危一念至此
泣涕不能禁止

秋懷詩 五言

謝惠連

銑曰感秋而述其所懷

平生無志意少小嬰憂患如何乘苦心矧復值秋晏

善曰

論語曰久要不忘平生之言說文曰嬰繞也古詩曰晨
風懷苦心淮南子曰秋士哀也向曰嬰羅矧況晏晚
也皎皎天月明奕奕河宿爛

善曰古詩曰明月何皎皎
薛君韓詩章句曰奕奕盛

貌毛詩曰子興視夜明星有爛
翰曰奕奕長盛貌爛光貌
蕭瑟含風蟬寥唳度雲

鴈
善曰楚辭曰秋之為氣也蕭瑟兮草木搖落而變衰
濟曰蕭瑟寥唳皆聲也
寒商動清閨

孤燈暖幽慢
善曰寒商秋風也楚辭曰商風蕭而害之百草育而不長王逸楚辭注曰暖暖闇昧

貌良
同善注
耿介繁慮積展轉長宵半
善曰楚辭曰獨耿介而不隨毛詩曰展轉

反側
銳曰耿介專獨也繁慮多憂也宵夜也
夷險難預
善作豫字
謀倚伏昧前筭

善曰夷險謂道以喻時也漢連珠曰才經夷險不為世屈淮南子曰接徑歷遠直道夷險鶻冠子曰禍兮福之

所倚福兮禍之所伏
銳曰
雖好相如達不同長卿慢

夷平倚申伏屈昧闇筭計也
善曰達謂通達不拘禮也嵇康高士傳司馬贊曰長卿慢世越禮自放擯鼻居市不耻其狀託疾避患蔑彼卿

相乃至仕人超然莫尚翰曰司馬相如字長卿菰康高士傳讚曰同善注言我雖好相如明達天下不欲同

其慢世頗悅鄭生偃無取白衣官善曰偃謂偃仰不仕也范曄後漢書曰鄭均字

仲虞東平任城人也公車特徵再遷尚書後病乞骸骨拜議郎告歸因稱病篤帝東巡過任城乃幸均舍勅

賜尚書祿以終其身故人號為白衣尚書濟曰鄭均同善注言我頗悅鄭生偃息不欲同其為白衣官也

未知古人心且從性所翫賓至可命觴朋來當染翰善曰

秋興賦序曰染翰操紙慨然而賦良曰高臺驟登踐觴酒也翰筆也染筆於墨而制作文章

清淺五臣時陵亂善曰爾雅曰水止絕流曰亂顏魄作波

不再圓傾義無兩旦善曰魄月魄也義義和謂日也向曰言月既缺一月之中無再復

圓也日既傾一日之中無更朝也喻人老不可更少金石終消五臣作銷毀丹青斲彫

煥

善曰張綱集曰書功金石圖形丹青翰曰皆不能長久也彫煥光明貌各勉玄髮歡無

貽白首歎

善曰阮籍詠懷詩曰玄髮發朱顏睇眄有光華嵇康有白首賦濟曰勉勵也玄髮少年

也貽遺也白首衰老貌

因歌遂成賦聊用布親串

古患切善曰爾雅曰串習也

向曰串狎也言因歌詠遂賦此詩聊用布與親狎之人

臨終詩

五言

歐陽建

善曰孫盛晉陽秋曰建字堅石臨刑作銑曰王隱晉書云歐陽建字堅石渤

海人石崇甥也為馮翊太守趙王倫之為征西撓亂關中建每匡政不從私欲迎楚王偉

立之由是有隙石崇勸淮南王使誅倫未行事覺倫收崇建及母妻無少長皆斬建臨刑

而作是

詩也

伯陽適西戎孔

善無孔字

子欲居

善有九字

蠻

善曰列仙傳曰老子西遊尹喜見之

與老子俱之流沙之西魏武飲馬長城窟行曰四皓隱南山子欲適西戎論語曰子欲居九夷向曰老子姓

李字伯陽見周無道遂入胡即戎也孔子欲居九夷夷蠻通稱也

苟懷四方志所在可

游盤

善曰左氏傳姜氏謂晉公子曰子有四方之志尚書曰乃盤遊無度

之志所在皆可以遊樂

況乃遭屯蹇顛沛過災患

平聲

善曰周易曰屯如遭如

又曰往蹇來連孔叢子歌曰遂通不復自嬰屯蹇論語子曰顛沛必於是也濟曰而況遭亂代屯蹇災患者

而不行乎顛沛猶傾覆也

古人達機兆策馬游近闕

善曰周易曰幾者動之微吉之

先見者也左氏傳蘧伯玉曰瑗不得聞君之出敢聞其入遂行從近闕出也

良曰衛大夫孫林父將作亂蘧

伯玉遂行從近闕而出言伯玉識機變也策馳游從也

咨余沖且暗抱責守微官

善曰孔安國尚書傳曰沖童也賈逵國語注曰暗不明也孟子曰吾聞有官守者不得其職則去有言責者不得其言則去
銑曰咨嗟也言我猶童稚暗昧之
潛圖
人抱負罪責守此微官不知去就安居取害也

密已構成此禍福端

善曰爾雅曰圓謀也莊子曰而子身若槁木之枝而心若死灰若是

禍亦不至福亦不求禍福無有惡有人災救叔上吳王書曰福生有基禍生有胎傳子曰福生有兆禍來無端
方言曰端緒也
向曰謂趙王倫謀反已欲廢
彼敗則為禍成則為福故云禍福端構就也
恢恢六

合間四海一何寬天網布絃網投足不獲安

善曰老子曰天網恢

恢疎而不失山海經曰地之所載六合之間許慎淮南子注曰絃維也解嘲曰欲行者擬足而投迹也濟曰

恢恢廣大貌四方上下為六合絃網繫網索也松栢隆

冬悴

五臣作痺

然後知歲寒

善曰孫卿子曰松栢經冬而不凋論語子曰歲寒然後知松栢

之後凋也銑曰言歲寒能痺松栢時亂則害忠良

不涉太行險誰知斯路難

善曰

淮南子曰何謂九山曰太行羊腸高誘曰太行今上黨太行河內野王縣向曰言世路險過太行之山

真

偽因事顯人情難豫觀窮達有定分慷慨復何歎

平聲善

曰孟子曰窮則獨善其身達則兼善天下呂氏春秋曰百里奚處虞而虞亡處秦而秦霸有其本也其本也者

定分之謂也良曰引大分故以抑其情上負慈母恩痛酷摧心肝下顧所

五臣憐女惻惻心中酸善曰說文曰負受貨不償然受恩不報亦謂之負也方言曰傳

云慈母怒子折笈以笞之鄭玄毛詩箋曰顧念也濟曰酷苦酸痛也二子棄若五臣無若字

遺念皆遺五臣作其凶殘凶殘善曰毛詩曰將安將樂棄余如遺銑曰言母亦不免故云棄

二子若遺遺遇殘賊也不惜一身死惟此如循環善曰薛君韓詩章句曰惟念也

尚書大傳曰三王之統若循連環周則復始也向曰惟思也若循連環而無窮執紙五情塞

揮筆涕洟瀾善曰文子曰昔者中黃子曰色有五色文章人有五情漢書息夫躬絕命辭曰涕泣

流分崔瀾贊曰洟瀾闌干也崔與洟同翰曰揮奮也洟瀾涕流兒也

哀傷

幽憤詩

四言 善曰魏氏春秋曰康及呂安事為詩自責向子期思舊賦曰余少與嵇康呂

安居止接近其人並有不羈之才然嵇意遠而疎呂心曠而放其終各以事見法班固史

遷述曰幽而發憤其思乃精

嵇叔夜

向曰叔夜為呂安事連罪取繫遂作此詩憤怨也言幽怨者人莫能見明也

嗟余薄祜

五臣作祜

少遭不造

善曰蔡邕書曰邕薄祜早喪二親毛詩曰閔予小子遭家

不造鄭玄曰造成也不造言家道未成也 濟曰祜福也叔夜少失父

哀筑靡識越在緇

緇

五臣作緇祜境淮南子曰成王幼在緇

善曰左氏傳邱成叔曰聞若越在他緇之中張華博物志曰緇

織縷為之廣八寸長丈二以約小兒於背上韋昭漢書
注曰縹若今時小兒腹衣李奇曰縹小兒大籍也 銑

曰焚獨靡無越於也 襁褓束襖嬰兒衣也 母兄鞠育有慈無威恃愛肆姐子

不訓不師

善曰嵇氏譜曰康兄喜字公穆歷徐揚州刺史太僕宗正卿母孫氏毛萇詩傳曰鞠養也

毛詩曰父兮生我母兮鞠我賈逵國語注曰肆恣也說
文曰姐嬌也嬌與姐同耳 翰曰肆縱姐嬌也恃母兄

之慈縱而成嬌不 爰及冠帶憑寵自放 善無此二句
垂訓教不立師傅 良曰爰於也男

年二十則冠冠帶亦冠也依 抗心希古任其所尚 善作
憑母兄之寵自放逸其心也 孟轲子章指曰各崇所上則義

善曰廣雅曰希庶也趙岐孟子章指曰各崇所上則義
不虧矣說文曰尚庶幾也 濟曰抗舉希慕也言舉心

慕古人之道任 託好老莊賤物貴身 善曰嵇喜謂康長
其高尚之志也 好老莊之業恬靜

無欲淮南子曰原道者欲一言之而寤則尊天而保真
欲再言之而通則賤物而貴身也莊子曰真者精誠之
志 銑曰老謂老子莊謂莊子賤物賤於
寶貴之物貴身謂卑下於人以自保也 志在守樸養

素全真

善曰老子曰見素抱樸少私寡欲河上公曰抱
守也薛宗東京賦注曰樸質也莊子盜跖謂孔

子曰子之道非可以全真者也又曰真者精誠之志也
銑曰守樸守其實樸養素全真謂養其質以全真性
曰余不敏好善闇人 善曰謂與呂安交也孝經曰參不

來聘見叔孫穆子曰子好善而不能擇人也 子王之
向曰不敏猶不達也常好善道而闇於人事

敗屢增惟塵

善曰子玉楚大夫也傳曰楚子將圍宋使
子文治兵於睢終朝而畢不戮一人子玉

復治兵於蔿終日而畢鞭七人貫三人耳國老皆賀子
文子文飲之酒為賈尚幼後至不賀子文問之對曰不

知所賀子之傳政於子玉子玉之敗子之舉也舉以敗國將何賀焉毛詩曰無將大車維塵冥冥鄭玄曰喻大夫進舉小人適自作憂患也 翰曰鍾會有憾於叔夜時呂安兄巽姦通安妻巽為大將軍長史遂搆誣將害安鍾會為大將軍所善會因勸大將軍誅康與呂安同罪也子玉楚子玉也令尹子文舉之以自代後子玉與晉戰子玉大敗康此意所以憤呂巽有穢行大將軍用為長史是不知人亦如子文之用子玉不當也惟塵謂詩人刺進舉小人也謂鍾會有言於大將軍將害康比會為小人也屢增者言當朝此類多矣 **大人含**

弘藏垢懷耻民之多僻政不由己

善曰周易曰含弘光大品物咸亨左氏傳

伯宗謂晉侯曰國君含垢杜預曰忍垢耻也說文曰懷藏也毛詩曰民之多僻鄭玄曰民行多邪僻者汝君臣之過無自謂得法度論語曰為仁由己 銑曰大人天子也言天子能舍其大道包藏垢穢懷納諸耻謂不察

臣下之過致使左右多邪臣政不由天子之已而使無辜獲罪僻邪也

惟此褊必心顯明

臧否

乎鄙

感悟思愆怛若創痛

于軌切謂也郭璞爾雅注曰惟發

善曰褊心康自

語辭也毛詩曰惟是褊心是以為刺又曰於乎小子未知臧否西京賦曰所惡成創痛蒼頡篇曰痛毆傷也方

言曰怛痛也說文曰痛瘕也漢書音義曰以杖毆擊人剥其皮膚起青黑無創者謂痕瘡也向曰褊心康自

謙也臧善否惡也愆過怛痛創傷瘡割也言褊小之心明此朝廷善惡感而覺悟以思其過痛如割傷欲

寡其過謗議沸騰

善曰論語曰蘧伯玉使人於孔子孔子問焉曰夫子何為對曰夫子欲寡

其過而未能也漢賈山曰古者庶人謗於道商旅議於市毛詩曰百川沸騰良曰康自謂少過而謗議沸起

者謂鍾會諧之云嵇康臥龍也騰起也

性不傷物頻致怨憎

善曰莊子仲尼謂顏回曰

聖人處物不傷者物亦不能傷也 濟曰此自言其性常不傷害於物何乃頻致怨憎之辭也此自歎也 昔

慙柳惠今愧孫登

善曰潘安仁西京賦曰嗟鄙夫之常累今固既得而患失無柳季之直道

今佐士師而一黜論語曰柳下惠為士師三黜人曰子未可以去乎曰直道而事人焉往而不三黜魏氏春秋曰初康采藥於中山北見隱者孫登康欲與之言登默然不對踰年將去康曰先生竟無言乎登乃曰子才多識寡雖乎免於今之世也 翰曰柳下惠三黜無怨色康今幽憤故慙也 內負宿心外慙

女六

良朋

善曰鄭玄禮記注曰負之言背也趙壹報羊陟書曰惟君明教平其宿心爾雅曰慙慙也毛詩曰每

有良朋 向曰宿心謂宿昔本心也謂慕養生之道今則辜負本心矣慙猶慙也

仰慕嚴鄭樂

道閒居

善曰漢書曰谷口有鄭子真蜀有嚴君平皆脩身保性成帝時元舅王鳳以禮聘子真子真遂

不誦而終君平卜筮於成都市以為卜筮賤業而可以
惠衆日閱數人得百錢足以自養則閑肆下簾而授老
子年九十餘遂以其業終論語子曰貧而樂西漢書曰
司馬相如稱疾閒居 銑曰嚴君平鄭子真皆樂道閒
居修身 與世無營神氣晏如 善曰蔡邕釋誨曰安貧樂
自保 賤與世無營淮南子曰古

人神氣不蕩於外漢書曰揚雄室士儻
石之儲猶晏如也 濟曰晏如無事也 咨予不淑嬰累

多虞

善曰毛萇詩傳曰咨嗟也毛詩曰之子不淑云如
之何左氏傳趙孟曰以晉國之多虞 翰曰咨嗟

淑善嬰繞虞度也言我不善 匪降自天寔由頑疎 善曰
繞此罪累之多不可度也 匪降自天寔由頑疎 毛詩曰

曰下民之孽匪降自天噂沓背憎職競由人 良曰匪
非降下寔寔也言此罪累非下自天實由我頑疎之性

所致 理蔽 善作 患結卒致罔罔 五臣作罔 善曰杜預
也 左氏傳注曰弊壞也禮

記曰仲春省囹圄鄭玄曰所以守禁繫者秦曰囹圄漢曰獄濟曰邪臣協用私情擁蔽政理之道遂使患難

結成終致無辜繫於獄也卒終也囹圄獄也對答鄙訛繫此幽阻善曰言已對答之辭

鄙於見訛也張晏漢書曰訛者三日復問知之與前辭同不也杜預左氏傳注曰繫拘執也鄙俚也訛問也

向曰答對獄吏恥為其所問實恥訟冤善作時不我與繫繫也幽阻與親友不通

善曰論語曰陽貨曰日月逝矣歲不我與文雖出此而意微殊亦不以文害意也免或為冤非也銑曰恥謗

訟之冤濫時不我與謂雖曰義直神辱志沮善曰毛萇詩傳曰沮

壞也才與切翰曰沮亂也言雖義理平直而自明無辜而為獄吏辱其神氣志亦亂也澡身滄浪

平豈云能補善曰孟子孺子歌曰滄浪之水清可以濯我纓滄浪之水濁可以濯我足孔子曰小

子聽之清斯濯纓濁斯濯足自取之也劉歆答父書曰誠思拾遺冀以云補良曰澡洗也言神辱志沮雖將

洗身於滄浪清水豈能補之也

噍噍

五臣作雞字

鳴鴈奮

五臣作勵

翼北游順時

而動得意忘憂嗟我憤歎曾莫能儔

五臣作嗜毛詩曰雞雞鳴雁

善曰

管子桓公曰夫鴻鵠有時而南有時而北又曰鴻鵠秋南而不失時毛詩曰嗟我懷人說文曰魯辭之舒也儔

等也

濟曰雞雞和聲也鴈春則北游故云順時而動憤怨曾不嗜比也康見此鴈鳴得意忘憂乃自嗟歎則

莫能比之矣

事與願違遘茲淹留窮達有命亦又何求

善曰淹留

謂因繫而留也爾雅曰淹留久也王命論曰窮達有命吉凶由人毛詩曰謂我何求濟曰遘及也知窮達在

苟免

古人有言善莫近名奉時恭默咎悔不生

善曰莊子

曰為善無近名為惡無近刑司馬彪曰勿修名也被褐懷王穢惡其身以無阻於形也郭象曰忌善惡而居中任萬物之自為也尚書曰恭默思道周易曰悔吝者憂虞之象也曾子曰懼欣忠信咎故不生可為孝矣向曰古人有言謂莊子云為善無近名也奉時謂隨時恭默也言謹潔如此則咎責悔禍不生於身也萬石

周慎安親保榮

善曰漢書曰萬石君奮長子建為郎中令建老白首萬石君尚無恙每五日洗

沐歸謁親建為郎中令奏事事下建自讀之驚恐曰書馬者與尾而五今迺四不足一獲譴死矣其為謹慎雖他皆如此論語摘輔象識曰曾子未嘗不問安親之道也孔安國尚書注曰周至也翰曰石奮父子五人各

二千石天子號為萬石君世務紛紜祇攬予

五臣作子字

情

安樂必誠乃終利貞

善曰漢書曰嚴安徐樂上書言世務毛詩曰祇攬我心攬亂也祇適

也家語金人銘曰安樂必戒無行所悔王肅曰雖處安樂必警戒也周易曰乾元亨利貞濟曰紛紜亂也祗

語助也攪動也雖安樂之時必誠危亡之理乃終其利貞煌煌靈芝一年三秀予臣

作獨何為有志不就善曰西京賦曰摧靈芝之朱柯楚辭曰采三秀於山間王逸曰三秀

謂芝草也楚辭曰云有志而無謗爾雅曰就成也濟曰煌煌光也靈芝草藥一年三開花秀服之長生康志

尚養生今志不就也懲難思復心焉內疾庶勗將來無馨無臭善曰

潘元茂九錫文曰懲難念功毛詩曰既往既來使我心疾疾病也爾雅曰勗勉也毛詩曰上天之載無聲無臭

良曰見此患難方欲懲誠而反復心內病之戒勗將來無為患作害身之本也聲譽於時無使馨香也采

薇山阿散髮巖岫永嘯長吟頤性養壽善曰史記曰武王平殷伯夷叔

齊恥之義不食周粟隱於首陽山采薇而食之琴操許
由曰散髮優游所以安己不懼也范曄後漢書曰袁閎
散髮絕世杜篤連珠曰能離光明之顯長吟永嘯爾雅
曰頤養也東方朔非有先生論曰故養性受命之士莫
肯進禮記曰百年曰期頤鄭玄曰頤猶養也翰曰使
將來之人采薇山曲散髮巖岫之間頤養年壽也采拾
也薇草藥也散髮謂
不為冠冕所拘束

七哀詩

五言

曹子建

善曰贈答子建在仲宣之後而此在前
誤也向曰七哀謂痛而哀義而哀感

而哀怨而哀耳目聞見而哀口歎而哀鼻酸
而哀也子建為漢末征役別離婦人哀歎故
賦此

詩

明月照高樓流光正徘徊

善曰夫皎月流輝輪無輟照以其餘光未歿似若徘徊前

覺以為文外傍情斯言當矣向曰謂月行疾其光如流也正謂當其時也徘徊謂終夜月光迴轉四面遷照

故云徘徊也

上有愁思婦悲歎有餘哀

善曰古詩曰慷慨有餘哀 借問歎

者誰言是宕

善作客

子妻君行踰十年孤妾常獨棲

五臣作栖

字良曰踰過也君謂夫也

君若清路塵妾若濁水泥浮沉

五臣作沈 各

異勢會合何時諧

善曰漢書民歌曰涇水一石其泥數斗爾雅曰諧和也濟曰清路塵謂

風上塵也妾婦人之謙稱也言塵隨風之飄揚比夫從征不息泥在濁水之下以自比幽思不通浮沈既異會

合何時諧諧和也

願為西南風長逝入君懷

善曰古詩曰從風入君懷四坐莫不

嘆 翰曰西南坤地坤妻
道故願為此風飛入夫懷
史記驪姬曰以賤妾之故廢嫡立庶
行十年復恐志改故云君懷不開我當何所依據
善 善曰善

七哀詩二首

五言

王仲宣

翰曰此詩
哀漢亂也

西京亂無象豺虎方遘患

音還協韻 善曰左氏傳晉
侯問於士弱曰吾聞之宋災

於是乎知有天道可必乎對曰國亂無象不可知也班
固漢書張耳陳餘述曰據國爭權還為豺虎道經曰執
大象天下往河上公注曰執守也象道也聖人守大道
則天下萬民移心歸往也 良曰象道也豺虎喻羣賊
貪暴害人也 復棄中國去遠身適荆蠻 善曰毛詩曰蠢
遘及患難也 爾蠻荆毛萇曰

蠻荆荆州之蠻也

翰曰荆蠻喻荆州仲宣避難在其中也

親戚對我悲朋友相追

攀

向曰謂初去帝都之時

出門無所見白骨蔽平原

良曰國亂殺戮人多

路

有飢

五臣作饑字

婦人抱子棄草間顧聞號泣聲揮涕獨不

還

善曰言迴顧雖聞其子號泣之聲但知揮涕獨去不復還視也家語曰文伯卒敬姜曰二三婦無揮涕王

肅曰揮涕不哭揮涕以手揮之也

濟曰婦人迴顧聞子泣聲但揮涕而去不復還也

未知身死

處何能兩相完驅馬棄之去不忍聽此言

善曰此婦人之辭也說文

曰完全也

銑曰此說婦人為言時遭亂夫從征役世既無主皆相攻劫故奔走饑荒未知身死之處棄子草

中不能相全棄驅馬而去不忍聽也

南登霸陵岸迴首望長安悟彼下泉

人喟然傷心肝

善曰漢書曰文帝葬霸陵毛詩序曰下泉思治也曹人思明王賢伯也 翰曰

下泉人謂戰死人喟然歎聲也

荆蠻非我鄉何為久滯淫

善曰國語曰底著滯淫賈逵曰淫久也向曰淫猶留也

方舟溯

五臣作汭字

大江日暮愁我心

善曰爾雅曰大夫方舟郭璞曰併兩船也

爾雅曰逆流而上曰溯流濟曰方並也汭逆流行也

山岡有餘暝

五臣作映

巖阿增

重陰

善曰通俗文曰日陰曰映銑曰謂日將歿山脊之上猶映餘光而巖曲本陰今復日暮是增為重

陰山脊曰岡

狐狸馳赴穴飛鳥翔故林

善曰皆言不忘本也文子曰鳥飛之鄉依

其所主也楚辭曰鳥飛之故鄉狐死必首丘良曰狐狸獸名翔歸也

流波激清響猿猴

善作
猴援

臨岸吟迅風拂裳袂白露霑衣襟

善作
衿字

獨夜不能

寐攝衣起撫

五臣
作附

琴

善曰楚辭曰擊迅風於清涼禮記曰孟秋之月白露降說苑曰孺子

不覺露之沾衣漢書曰沛公起攝衣延鄼食其也韓子曰師消靜坐撫琴

絲桐

感人情為我發悲音

善曰史記曰鄒忌以鼓瑟見齊威王王曰夫治國家何為絲桐之間

也向曰絲絃也琴以桐木為之

羈旅無終極憂思壯難任

善曰阮嗣宗詠懷詩

曰羈旅無疇匹俛仰懷哀傷左氏傳曰陳敬仲曰羈旅之臣也濟曰壯益也此絮自哀之辭

七哀詩二首

五言

張孟陽

善曰臧榮緒晉書云張載字孟陽武邑人也
有才華起家拜著作佐郎稍遷領著

作遂攝疾抽簪告歸卒於家 翰曰
此詩哀人事遷化後詩哀帝室新衰

北芒

五臣作
卽字

何壘壘

平

高陵有四五

善曰廣雅曰壘壘重也古樂府詩曰

還望故鄉鬱何壘壘北芒山名也壘壘塚相次之貌也

向曰北卽山名壘壘重也陵卽墓也

借問誰

家墳皆云漢世主恭文遙相望原陵鬱臙臙

音舞
曰范曄後

漢書曰葬孝安皇帝于恭陵又曰葬靈帝于文陵又曰葬光武皇帝于原陵毛萇曰臙臙肥美也 銑曰漢世

主謂後漢諸帝墳陵恭文原皆陵號鬱臙臙草木多貌

李世

五臣作葉

喪亂起賊盜如

豺虎

善曰左氏傳曰叔向曰齊其何如晏子曰此季世也韋昭國語注曰季末也王仲宣七哀詩曰西京

亂無象豺虎方遺患漢書張耳陳餘述曰據國爭權還為豺虎

毀壞過一杯

蒲便房啓幽戶

善曰一杯喻少也餘同翰注
壞土也漢武帝時有盜高廟玉環者

廷尉罪之當棄市帝怒其輕當族釋之諫曰假令有取
長陵一杯土陛下何以罪之遂止杯謂一掬矣言漢家
諸陵既遭季世喪亂毀其陵土已過一掬矣
便戶家中室也言其幽暗之戶已間之矣
珠柙離

玉體珍寶見剽

匹虜

善曰魏文帝典論曰喪亂以來漢
氏諸陵無不發掘至乃燒取玉柙

金鏤體骨并盡西京雜記曰漢帝及王侯送死皆珠襦
玉匣玉匣形如鎧甲連以金鏤枚乘上發曰太子玉體
不安說文曰剽劫人也又虜獲也漢書注曰虜與園同
如淳曰園鈔掠也濟曰珠柙漢家送死之物珠玉為

柙言遭發虜掘已離玉
體玉體者貴美之言

園寢化為墟周墉無遺堵

善曰
漢書

曰自高祖下至宣帝各自居陵旁立廟又園中各有寢
便殿又曰自貢禹建議毀之議遂毀惠景廟及太上寢

園廢而為墟爾雅曰牆謂之墉毛萇詩傳曰一丈為板五板為堵向曰園寢陵旁廟也墟丘也墉墻也言廟

墉皆推無遺一堵者蒙龍荆棘生蹊逕五臣作徑登童豎狐兔窟其中

蕪穢不復掃先古切善曰關中記曰漢諸陵守衛掃除廣雅曰掃除也餘見下注掃蘇老切

良曰樵童牧豎也濟曰蕪穢蔓草之類皆無人掃除之蕪隴並墾發萌隴隸字

營農圃善曰蒼頡篇曰墾耕也毛詩曰墾發爾私鄭玄曰駿疾也發伐也疾耕發其私田也司馬相如

上林賦曰地可墾闢悉為農郊以贍萌隴銑曰頽隴頽墳也萌隸下人也言頽墳之處並為耕墾闢發下人

所營農業昔為萬乘君今為丘山土善曰漢書曰天子畿方千里兵車萬

乘故稱萬乘之主方言曰冢大者為丘淮南子感彼雍

曰吾死也有一棺之土翰曰萬乘君天子也

門言悽愴哀往

五臣作今

古

善曰桓子新論曰雍門周以琴見孟嘗君曰臣竊悲千秋萬歲

後墳墓生荆棘狐兔穴其中樵兒牧豎躑躅而歌其上行人見之悽愴孟嘗君之尊貴如何成此乎孟嘗君喟然嘆息淚下承睫向曰雍門周謂孟嘗君曰君百歲之後高臺既傾曲池又平豈不悲乎孟嘗君淚下承睫

感恩其言故悽愴也

秋風吐商氣蕭瑟掃前林

善曰王逸楚辭注曰商風西風也秋氣起則西風急疾鸛

鵲賦曰涼風蕭瑟

陽鳥

五臣作鳥字

收和響寒蟬無餘音

善曰

陽鳥春鳥也禮記曰孟秋寒蟬應陰而鳴則天涼故謂之寒蟬楚辭曰蟬寂寞而無聲濟曰陽鳥收息其和聲而秋已深故蟬亦無矣喻帝室之漸衰

白露中

五臣作朝字

夜結木落柯條森

善曰呂氏春秋曰秋氣至則草木落
銑曰露結為霜也森寒風振聲
朱光馳北陸浮景

忽西沉

五臣作沈字
善曰楚辭曰陽杲杲其朱光續
漢書云日行北陸謂之冬杜預左氏傳注曰陸

道也孔安國尚書注曰浮行也說文曰景日光也
曰朱光日也天道游北故云馳北陸忽西沈言其疾沒

也
顧望無所見唯覩松栢陰
善曰仲長子昌言曰古之
葬植松栢梧桐以識墳

向曰松栢
墓丘所生
肅肅高桐枝翩翩栖孤禽
善曰禮記曰草木
皆肅鄭玄曰肅謂

枝葉縮栗也
銑曰此喻帝室政衰雖在名位若孤
鳥栖於高桐也肅肅謂寒風著枝聲也翩翩孤鴈貌
仰

聽離鴻鳴俯聞蜻

精

蛸

吟

善曰易通卦驗曰立秋蜻
蛸鳴蔡邕月令章句曰蟋

蟀蟲名俗謂之蜻蛚四子講德論曰蟋蟀候秋吟
毛詩曰十月蟋蟀入我牀下
良曰蜻蛚蟲名
哀人

易感傷觸物增悲心丘隴日已遠纏綿彌思深

五臣作思彌深

善曰秦嘉答婦詩曰哀人易感傷古詩曰相去日已遠張升與任彦堅書曰纏綿思好庶蹈高蹤

銑曰丘

隴謂其先人也霜露既降君子履之必有悵之心哀於國故亦思親纏綿謂憂思多也憂來令髮

白誰云愁可任徘徊向長風淚下霑衣襟

五臣作裕善曰古詩曰

座中何人誰不懷憂令我白頭登樓賦曰誰憂思之可任楚辭曰慙長風以徘徊又曰向長風而舒情又曰泣歔歔而沾襟翰曰徘徊心不安貌向長風見時物衰歇復感時風衰薄故淚下矣

悼亡詩三首

五言善曰風俗通曰慎終悼亡鄭玄詩箋曰悼傷也

潘安仁

銑曰悼痛也安仁痛妻亡故賦詩以自寬

荏苒冬春謝寒暑忽流易

善曰荏苒猶漸也冉冉歲月流貌也王逸楚辭注曰

謝去也列子曰寒暑易節荏苒漸盡貌謝去忽疾易改也

之子歸窮泉重壤永

幽隔

善曰之子謂妻也毛詩曰之子于歸百兩御之琴賦曰披重壤以誕載向日之子謂亡者也人死

曰歸窮深也壤土也永長也幽隔謂幽冥之道長為阻隔

私懷誰克

五臣作尅字

從淹留

亦何益俛俛恭朝命迴心反初役

善曰神女賦曰情獨私懷誰者可語說文

曰懷念想也楚辭曰倚躊躇以淹留毛詩曰俛俛從事不敢告勞役謂所任也王充論衡曰充罷州役

言此哀傷私情欲不就仕誰復勉從此情淹留無益俯仰之間且恭朝命迴私心反初於公役也俛俛俯仰也

望廬思其人入室想所歷

善曰家語孔子曰思其人愛其樹說文曰歷過也

韓曰

虛宅也想亡者所行歷也

幃屏無髣髴翰墨有餘跡

五臣作迹字善曰廣雅曰幃

帳也聲類作幃說文曰髣髴相似見不諱也歸田賦曰揮翰墨以奮藻

銑曰其妻善屬文髣髴謂不見形象

也翰墨餘跡平生所作之文尚有餘迹也

流芳未及歇遺挂猶在壁

善曰洛神賦曰

步薜薄而流芳廣雅曰挂懸也

濟曰芳謂衣餘

悵悵

如或存周遑

五臣作悵

悵

直

驚悵

善曰王逸楚辭注曰悵失意也良曰悵悵失志也

周章惶懼憂心驚惕然忡憂惕懼也

如彼翰林鳥雙栖

五臣作飛字

一朝隻

善曰

曹植善哉行曰如彼翰鳥或飛戾天王弼周易注曰翰鳥飛也曹植種葛篇曰下有交頸禽即雙栖禽也

翰

曰翰林鳥栖之林潘安仁自此失耦亦如此也

如彼游川魚比目中路析

先歷切

善曰爾雅曰東方有比目魚焉不比不行向曰春風比目魚名雙即行隻即不行又如魚中路分析也

緣隙

善作隙字

來晨雷

力救承簷

善作糖字

滴

善曰說文曰雷屋承水也濟曰隙門隙也

雷雨水注引於屋簷垂滴而下

寢息何時忌沉

五臣作沈

憂日盈積

善曰宋玉笛賦

曰武毅發沉憂結銑曰盈積多也

庶幾有時衰莊缶

方有

猶可擊

善曰郭璞爾雅

注曰庶幾微幸也莊子妻死惠子弔之則方其踞鼓盆惠子曰與人居長子老身死不哭亦足矣又鼓盆而歌

不已甚乎莊子曰不然是其始死也我獨何能無察其始而本無生非徒無生而本無形非徒無形而本無

氣人且偃然寢於巨室而我噉噉然隨而哭之自以為不通乎命故止翰曰莊子同善注故安仁庶幾於情

知有時衰故云莊缶可擊方器曰缶

皎皎窓中月照我室南端

善曰室南端室之南正門良曰月光入窓又發思也

清商應秋至溽暑隨節闌

善曰王逸楚辭注曰商風西風也秋氣起則西風急疾鸚鵡

鵲賦曰涼風蕭瑟禮記曰季夏土潤溽暑文穎漢書注曰闌希也說文曰溽暑濕暑也

向曰清商涼風也溽

濕也言濕暑之氣逐節而微也闌猶微也

凜凜涼風升始覺夏衾單

善曰古詩曰涼

歲云暮毛萇詩傳曰衾被也

銑曰凜凜涼貌升起涼風起而又思人始覺夏被單也

豈曰無重

纊誰與同歲寒

善曰毛詩曰豈曰無衣與子同袍孔安國尚書傳曰纊細綿也

重綿人已亡矣誰同歲寒

歲寒無與同朗月何朧朧

善曰毛詩曰叔兮伯兮靡所與

同埤蒼曰腫朧欲明也

濟曰言此時無

展五臣轉眄

人見與同處也朗明也朧朧月光臨朧也

枕席長簟竟牀空

善曰謝惠連詠懷詩曰耿介繁慮積展轉長宵半毛詩曰展轉反側良

曰輾轉志不安也簟亦席也竟盡也

牀空委清塵室虛來悲風

善曰莊子曰空穴來

風司馬彪曰門戶向曰委積也清輕也

獨無李氏靈髣

髣髴

髣覩爾容

善曰桓子新論曰武帝所幸李夫人死方士李少君言能致其神乃夜設燭張帷令帝居

他帳遙見好女似夫人之狀還帳坐也輪曰李夫人同善注安仁嗟其妻無此靈可見其容貌

撫衿

長歎息不覺涕霑

五臣作涕沾字

宵霑

五臣作沾

宵安能已悲懷從

中起

善曰漢書公孫獲曰累撫衿魏武帝苦寒行曰延頸長歎息魏文帝歌行曰不覺淚下霑衣裳史記

曰文帝意慘悽悲懷魏武帝短歌行曰憂從中來銑曰已止也中謂衷心

寢興目

五臣作自存

形遺音猶在耳

善曰毛詩曰言念君子載寢載興禮記曰色不怠乎目楊修傷天賦曰悲體貌

之潛翳兮目常存乎遺形左氏傳晉穆嬴曰今君雖終言猶在耳良曰寢臥興起也言臥起之間自想亡者

如存也遺音謂平生所言聲也上慙東門吳下愧蒙莊子善曰列子曰魏有東門吳

者死子而不憂莊子蒙縣人故云蒙莊子妻死不哭濟曰東門吳子死怡然不哭安仁有哀故上慙下愧不

如古賦詩欲言志此志難具紀善曰尚書曰詩言志賈逵國語注曰紀猶錄也

向曰悲情不可具紀者言多也命也可奈何長戚自令鄙善曰魚豢典略趙歧

卒歌曰有志無時命也奈何論語曰小人長戚戚長笛賦曰長戚之士能閒居翰曰死生命也長憂亦是鄙

事戚者憂也

曜靈運天機四節代遷逝

善曰楚辭曰角宿未旦曜靈焉歲廣雅曰曜靈日也陳琳

柳賦曰天機之運旋夫何逝之速也莊子天運篇曰天其運乎郭子玄曰不運而自行也 銑曰天機者言天

運動有機闕也四節春夏秋冬也逝猶往也

淒淒朝露凝烈烈

五臣作列

夕風厲

善曰毛詩曰秋日淒淒又曰冬日烈烈 奈何悼淑儷儀

容永潛翳

善曰左氏傳施氏之婦曰已不能庇其伉儷杜預曰儷偶也魏太祖祭橋玄文曰幽靈潛

翳邈哉緬矣向曰淑美儷耦也潛翳不可見也

念此如昨日誰知已卒歲

善曰

蒼頡篇曰昨隔日也毛詩曰無衣無褐何以卒歲 濟曰念其妻存如昨日之事誰知忽已終歲

改服

從朝政哀心寄私制茵幃

蕭張故房朔望臨爾祭

善曰鄭玄

禮記注曰茵褥也毛詩箋曰情牀悵也 翰曰改凶服從朝政之吉服哀心不易私存其禮也刺禮也朔月初

望十五日皆哭臨而祭也 爾祭詎幾時朔望忽復盡衾裳一毀撒千

載不復引

善曰爾雅曰引陳也 銑曰祭不幾時月日已盡矣衾被毀除撒去也引陳設也言靈寢

被裳一已除去不復重陳設服制終也

疊疊期月周戚戚彌相

五臣作想字

愍

善曰楚辭曰時疊疊而過中又曰居戚戚而不解良曰疊疊漸進也戚戚憂心也愍痛也漸進歲月已復年周憂心相痛矣 悲懷感物來泣涕應情隕

善曰古詩曰感物懷所思毛詩曰涕既隕

之 向曰感物謂見平生衣服涕泣應其悲情而落矣隕猶落也

駕言陟東阜望墳思

紆軫

善曰毛詩曰駕言出遊又楚辭曰鬱結紆軫兮離

愁而長鞠

翰曰駕言謂駕馬言出於東山望其

妻墳其思縈紆
隱軫而多也

徘徊墟墓間欲去復不忍

善曰禮記周
鄴曰墟墓之

間未施哀於民而民哀

濟曰徘徊

徘徊不忍去徙倚步

踟躕

善曰毛詩序曰彷徨不忍去楚辭曰步徙倚而遙
思銑曰遷移而立時步而不進也徙遷移也倚

立也
不進貌

落葉委堦

延

側枯荻

古

帶墳隅

善曰聲類曰
堦墓隧也方

言曰荻根也

也墳墓道荻草名隅角也

孤魂獨煢煢

五臣作
煢煢

安知靈

與無

善曰曹子建贈白馬王彪詩曰孤魂翔故城楚辭
曰魂煢煢兮不遑寐向曰煢煢孤貌安何也七

者孤魂不見其象何
知其有靈與無靈也

投心遵朝命揮涕強就車誰謂帝

宮遠路極悲有餘

善曰家語曰文伯卒敬姜曰二三婦
無揮涕王肅曰揮涕以手揮之也毛

詩曰誰謂宋遠莊子曰知反帝宮禮記子路曰吾聞諸
夫子喪禮與其哀不足而禮有餘也不若禮不足而哀
有餘也良曰投致也遵奉也悲哀之情不能自己致
心奉於朝命拭其涕淚勉強就車以歸帝宮也帝宮帝
城也帝城雖則不遠然行
盡此路之上悲情不止也

廬陵王墓下作

五言

謝靈運

善同翰注

翰曰宋武帝子義貞封廬

陵王未之藩而高祖崩廬陵聰敏好大

常與靈運周旋屬少帝失德朝廷謀廢立之事

次在廬陵言廬陵輕詆不任社稷與少帝不

協徐美之等奏廢廬陵為庶人徙新安郡美

之等使使殺廬陵也後有讒靈運欲立廬陵

王遂遷出之後知其無罪追還至曲阿過丹

陽文帝問曰自南行來何所制作對曰過廬

陵王墓下

作一篇

曉月發雲陽落日次朱方

善曰越絕書曰曲阿為雲陽縣左氏傳曰吳伐楚以報朱

方之役杜預曰朱方吳也吳地記曰吳改朱方曰丹徒
向曰曉月發乘夜行雲陽朱方並地名

含悽

泛廣川灑淚眺連岡

善作崗字善曰史記春申君曰廣川大水山林谿谷楚辭曰還顧

高丘泣如灑青烏子相冢書曰天子葬高山諸侯葬連岡
濟曰悽悲也泛舟行也廣大也連岡平山也

眷

言懷君子沉

五臣作沈

痛結

五臣作切

中腸

善曰毛詩曰眷言顧之阮籍詠懷詩曰容

好結中腸
謂廬陵王沈

良曰君子深切割也

道消結憤懣運開申悲涼

善曰道消

武帝之日運開文帝之初也沈約宋書曰少帝諱義符武帝長子即位為邢安泰所害周易否卦曰小人道長

君子道消白虎通曰天子崩赴諸侯何緣臣子哀痛憤
懣無能不告諸侯者也春秋說題辭曰天子崩黎庶殯
涕海內悲涼宋均曰涼愁也 翰曰君子道消羣臣在
朝也憤懣氣結者謂少帝時王見廢也今屬大逆已開
得申積日悲愁謂文帝即位 神期恒若存善作德音初

追崇王為侍中王如故也

不忘

善曰家語曰今之言五帝三王者威靈若存王肅

曰其威與明靈常若存也毛詩曰彼美孟姜德音

不忘 銑曰心於神明期恒如 徂謝易永久松柏森已
存也思接德音之初于今不忘

行

善曰尚書曰帝乃殂落毛詩曰我行永久曹植寡婦
賦曰高墳鬱兮巍巍松柏森兮成行 向曰徂往謝

去也永久猶陳跡也言往去之事且速易 延州協心許
為陳跡而丘林之間松柏森然已成行

楚老惜蘭芳

善曰新序曰延陵季子將西聘晉帶寶劍
以過徐君徐君不言而色欲之季子為有

上國之事未獻也然心許之矣使於晉顧反則徐君死於是以致挂徐君墓樹而去漢書曰龔勝者楚人也字君賓勝卒有一老父來弔其哭甚哀既而曰嗟乎薰以香自燒膏以明自銷龔先生竟天天年非吾徒也遂趨而出莫知其誰徐州先賢傳曰楚老者彭城之隱人解良曰延州地名延陵季子封於此也餘同善注

劍竟何及撫墳徒自傷

善曰史記吳世家曰季札過徐徐君好季札劍口弗敢言還至

徐君已死乃解其寶劍繫之冢樹而去潘岳虞茂春誄曰娒撫墳兮告辭皆莫能兮仰視顧愷之拜宣武墓詩曰遠念羨昔存撫墳哀今亡翰曰解劍則延陵也謂人已死矣解劍何及於事撫墳楚老也謂人已死矣哀傷亦徒

平生疑若人通蔽互相妨

善曰若人謂延州及楚老也令德高遠是

通也解劍撫墳是蔽也論語子謂子賤曰君子哉若人桓子新論曰漢高祖建立鴻基侔功湯武及身病得良

醫弗用專委婦人歸之天命亦以誤矣此必通人而蔽者也 向曰疑言若此也此人謂王也通言聰明好古

蔽謂與羣邪不協自見滅亡也此兩者互有其相妨 理感深情慟定非識所將 善

言已往日疑彼三人迫乎今辰已亦復爾斯則理感既深情便悲慟定非心識之所能行也王隱晉書曰荀粲

與傅嘏善夏侯玄亦親常調嘏玄曰子等在世業間功名玄必勝我識滅我耳嘏難曰能成功名者識也天下

孰有本不足而末有餘者衆曰功名局之所獎然則志自一物耳固非識之所獨齊我以能役子等為貴未能

齊子所為也毛萇詩傳曰將行也 濟曰考其物 理感慟深情定其是非識其所以將亡之端也 脆促

良可哀天枉特兼常一隨往化滅安用空名揚

善曰莊子曰其

生也柔脆其死也枯槁趙岐孟子章句曰良甚莊子曰已化而生又化而死孝經曰揚名於後世 翰曰特兼

言甚於常者為枉見殺戮也今已化舉聲泣已灑
五臣

長歎不成章

善曰孟子曰君子之志於道也不成章不達
向曰舉聲嗟歎泣已下漚心志錯亂

不成文章言悲之深也

拜陵廟作

五言 善曰沈約宋書曰漢儀上陵歲以為常魏無定制江左元帝崩後諸侯

始有謁陵辭陵事蓋率情而舉非京洛之舊自元嘉來每正月與駕必謁初寧陵復漢儀

顏延年

良曰延之從文帝拜高祖陵作此詩於陵置廟故兼言矣

周德恭明祀漢道尊光靈

善曰周書曰助王恭明祀東觀漢記上賜東平王蒼書曰

今送光烈皇后衣一篋今魯國孔氏尚有仲尼車輿冠履明德盛者光靈遠也 濟曰祀祭祀也光靈祖宗之

靈光 哀敬隆祖廟崇樹加園塋

善曰漢書房中歌曰乃立祖廟敬明尊親如淳

漢書注曰塋墓田也 銑曰樹立也園塋皆墓間道也

逮事休命始投迹階王庭

善曰休命始高祖之初也禮記曰逮事父母尚書曰陳于商郊俟天休命莊子曰多物將往投迹者衆周易曰夫揚于王庭 翰曰逮及休美也謂及高祖即位美命之始延年仕於王庭故云投迹階王庭階者猶進也

陪廁迴天顧朝譙流聖情

善曰毛詩曰不明爾德時無背無側爾德不明以無陪無

卿鄭玄毛詩箋曰迴首曰顧 向曰延年陪廁無朝廷之間為帝顧遇朝譙之時皆流聖情優也 早服身

義重晚達生戒輕

善曰服服事也早服恩淺也故以存身之義為重也達宦達也晚達恩厚

故以養生之戒為輕也王隱晉書曰孔坦上表曰士死知遇恩令命輕 良曰言早服事委身於君方知君臣

義重生命之戒可謂輕也

否來王澤竭泰往人悔形

善曰否來泰往少帝之時也否

泰易二卦名也言王之德澤既竭人之悔吝形見班固西都賦序言王澤竭而詩不作周易曰悔吝者憂虞之

象也列子曰公孫朝不知世道之安危人理之悔吝周易曰否之匪人不利君子貞又曰泰君子道長小人道

消也翰曰否來泰往謂少帝失德之時勅躬慙積素小人在位王澤竭盡悔吝形生上下不同

復與昌運并

善曰孝經鉤命決曰勅躬未濟四子講德論曰非有積素累舊之懷春秋孔演圖曰

帝當會昌成封岱宗宋均曰應會之期耳銑曰勅誠素故并合也言雖經帝室多難而成慎其身慙高祖積

故之恩不易志節復與文帝昌運相合為君臣也

思合非漸漬榮會在逢迎

善曰

論語糾滑箴曰漸漬以道廢消乃行戰國策曰田光造燕太子跪而逢迎却行為道翰曰思惠將合非由漸

漬而進榮華會遇在於君王夙御嚴清制朝駕守禁城

以禮相逢迎則雲霄可致也濟曰夙早也御猶使也守待也言早使宣嚴備清道束

之制而羣臣朝駕皆入侍曙駐禁城之間以入朝也

紳入西寢伏軾

五臣作軾字出東垆

善曰紳大帶也論語子曰赤也束帶立於朝西

寢廟在西也莊子曰宣尼伏軾而嘆東垆陵所在也向曰西寢寢殿也延年自述束帶入於寢殿伏於帝車

之軾出於東垆則陵所也林外曰垆天子乘車車中有侍臣故延年得伏軾於帝車之上伏之言者其敬甚也

衣冠終冥漠陵邑轉葱青

善曰漢書曰自高祖已下各自君陵傍立廟月一遊衣冠

弔魏武文曰悼總帳之冥漠漢書景帝紀作陵邑張晏曰景帝作壽陵起邑也南都賦曰章陵鬱以青葱良

曰衣冠謂先帝衣冠終虛無不見也冥漠虛無也葱青草木之色松風遵路急山烟冒

龍生

善曰說文曰冒覆也方言曰秦晉之間家謂之壠也 銑曰遵統也路陵中路隴陵也

皇心

憑容物民思被歌聲

善曰皇心謂文帝也司馬彪續漢書曰根車載載容衣被歌聲班固

漢書贊曰元帝自度曲被歌應劭曰持新曲以為歌聲也然此言人之思慕被在歌詠之聲 翰曰文帝憑視

陵廟之容見御之物哀敬於心而下人思慕被歌頌之聲萬紀載絃吹千歲

善作託

旒旌

善曰漢書詔曰制禮作樂各有由歌者所以發德也又曰聖王已沒鍾鼓管絃之聲未衰儀禮士喪

禮曰為銘各以其物鄭玄曰銘明旌也以死者不可別故以其旗識之以別貴賤故云表德也天子各有建也

濟曰十二年曰紀載行也絃吹絃管也有功者銘書於旒旌之上言高祖德音萬紀行於絃管之上千歲託

銘於旌未殊帝世遠已同淪

五臣作倫化萌

善曰言帝威靈若存故未殊其

遠而已質雖存其神已謝故同乎淪化之萌也 向曰
倫猶大也言先帝之德歌詠不歇何殊古先帝道年代

既遠而芬芳不息矣同 幼壯善作 困孤介末暮謝幽貞
大化流行之萌始也 壯字

善曰漢書音義臣瓚曰介特也周易曰幽人貞吉 翰
曰幼壯謂少年日也末暮謂衰老時也延年自言少時

困於孤介之事不能居少帝亂朝也老時復謝 發軌喪
幽靜貞吉之道亦不能就為惡文帝之明德也

夷易歸軫慎崎傾善曰以車之行喻已之任也發軌弱
冠也王武子答何劭詩曰計終收遐

致發軌將先起封禪書曰軌迹夷易易遵也歸軫暮年
也楚辭觀軫丘兮崎傾 良曰軌跡夷平喪失也軫車

也言發迹入仕在於高祖平易之時高祖既沒遭少帝
之難是發迹而失平易之道今老矣如車之將歸宜慎

崎傾之
險也

同謝諮議銅爵臺詩

五言 善曰集曰謝諮議環魏志曰建安十五年冬作銅

爵臺魏武遺令曰吾伎人皆著銅爵臺於臺上施六尺床總帳朝晡上脯糒之屬月朝十

五日輒向帳作伎汝等時時登銅爵臺望吾西陵墓田翰同善注

謝玄暉

總歲惟飄井幹寒樽酒若平生

善曰鄭玄禮記注曰凡布細而疎者謂之總今

南陽有鄧總淮南子曰大構架興宮室有雞棲井幹許慎曰皆屋構筋也司馬彪莊子注曰幹井欄然井幹臺

之通稱也 翰曰惟即帳也風飄動於樓上銅雀臺一名井幹樓言致樽酒於惟帳前若平生存時也 鬱

鬱西陵樹詎聞歌吹聲

善曰不敢指斥故以樹言之也 向曰詎猶不也 芳襟

染淚迹嬋媛空復情

善曰楚辭云心嬋媛而傷懷兮王逸曰嬋媛牽引也銑曰芳香也

妓人悲泣淚濕香襟而多痕牽引求襟空有哀情終不見君王也

王座猶寂寞況迺

五臣

乃妾身輕

善曰易是謀類曰假威出座玉牀鄭玄曰坐玉牀處天之位也寡婦賦曰懼身輕而施重

良曰玉座玉牀也寂寞虛無也言若王玉座尚自虛無若此況羣妾身至輕微何以為久長也

出郡傳舍哭范僕射

五言善曰劉璠梁典曰天監二年僕射范雲卒任昉自

義興貽沈約書曰永念平生忽為疇昔然此郡謂義興也劉熙釋名曰傳傳舍也使人所止息而去後復來轉相傳也風俗通曰諸有傳信乃得舍於傳也

任彦昇

善曰劉璠梁典曰任昉字彥昇樂安人年四歲誦古詩數十篇十六舉秀才第

一辭章之美冠絕當時為寧朔將軍新安太守卒 濟同善注昉出義興傳舍哭范僕射

雲遂作此詩
傳舍客舍也

平生禮數絕式瞻在國楨

善曰國楨謂范雲也左氏傳曰名位不同禮亦異數女史

曰式瞻清懿毛詩曰思皇多士生此王國王國克生惟周之楨毛萇詩傳曰楨幹也 翰曰禮數絕謂交道相得雖品命有異不為禮數式法也范雲之德 一朝萬化天下以為法則而瞻仰之實為國家楨幹

盡猶我故人情

善曰莊子曰若人之形者萬化而未始有極也史記范睢謂須賈曰戀戀有故

人之情 向曰一朝死矣萬事人道化盡然我故人之情何時忘也

待時屬興運王佐俟

民英

善曰易曰君子藏器於身待時而動班固漢書曰劉向稱董仲舒有王佐之材也袁子正書曰立德

蹈禮謂之英子產季札人之英也良曰待時謂不仕於齊也屬興運謂梁也言范雲為人之英王佐之任故

可待而結歡三十載生死一交情善曰左氏傳曰楚子使椒舉如晉曰寡君

願結歡於二三君史記太史公云下邳翟公曰一死一生乃知交情銑曰結交之情生死如一不復變也

攜手遁衰孽接景事休明善曰衰孽齊東昏侯也休明梁武帝也班固漢書述曰攜

手邀于秦鄭玄毛詩箋曰孽支庶也抱朴子曰攜手而遊接景而處左氏傳曰王孫滿曰德之休明濟曰遁

避孽災也謂避齊朝衰災攜手同去之接景事休明謂連事梁武帝也景若義稱前人比於光景也運阻

衡言革時泰王階平五臣無此二句善曰曾子曰天下有道則君子訢然以交同天下

無道則衡言不革孔安國尚書傳曰衡平也言平常之言也彼言不革此言革言亂之甚也長楊賦曰玉衡正

而泰階平 濬冲得茂彦夫子值狂生

善曰淮南子曰臺無所鑒謂之狂生高誘曰臺

持也所鑒者玄德故為狂生臺古握字也漢書曰酈食其人皆謂之狂生 向曰王戎字濬冲為吏部尚書得

李茂彦為吏部郎戎以禮待之范雲時為吏部尚書彦昇亦為吏部郎與濬冲茂彦相類故云夫子值狂生自

比謀也夫子謂雲也伊人有涇渭非余揚濁清

善曰伊人謂范雲也綜核人物涇渭

殊流非余狂生能揚清激濁也毛詩曰涇以渭濁湜湜其汙孫綽曰涇渭殊流雅鄭異調曹子建贈丁儀詩曰

涇渭揚濁清 銑曰涇渭二水名涇濁渭清吏部之職本以激濁揚清為務言雲自有分別殊其源流非我所

能揚也將乖不忍別欲以遣離情

善曰言將乖之初不忍便訣欲留少頃以遣離

曠之情也 濟曰平生雙欲分別不忍連去常少留言笑以遣離情也

不忍一辰

五臣作晨意

千齡萬恨生

善曰言昔日將乖不忍一辰之意況今千齡永隔萬恨俱生者乎毛萇詩傳

曰辰時也應璩與許子後書曰前別倉卒情意不悉追懷萬恨翰曰一辰分別之意猶不忍去奈何千年永

阻萬恨

已矣平生事詠歌盈篋笥

善曰新序孫叔敖曰篋篋之橐簡書說文

曰篋笥也

良曰詠歌謂平生所述文章也盈滿也篋笥盛書器

兼復相嘲謔常與虛

舟值

善曰蒼頡篇曰啁調也字書曰嘲亦啁也毛詩曰善戲謔兮莊子曰方舟而濟於河有虛舟來觸舟

雖有禍心之人不怒也

向曰虛舟同善注言平生相謂嘲謔雖有相陵亦如虛舟值觸謂嘲謔之類也何

時見范侯還叙平生意

銑曰范侯則雲也

與子別幾辰經塗

不盈旬

善曰左氏傳曰日月之會是謂辰以子丑配甲乙也經猶歷也翰曰別後經行塗路不盈一

旬弗覩朱顏改徒想平生人

善曰楚辭曰美人既醉朱顏醺

色改易之時但追想平生安樂之事也徒但也

寧知安歌日非君撒瑟晨

善曰楚辭

曰猶憤積而哀娛兮翔江州而安歌王逸曰安息歌今自寬慰也儀禮曰有疾病者齊撒瑟琴良曰君子有

疾撒琴瑟寧知安然歌樂之日非君疾病之晨也

已矣余何歎輟春哀國均

善曰

史記趙良謂商鞅曰五殺大夫死秦國男女流涕春者不相杵毛詩曰尹氏太師維周之氏秉國之均四方是維毛萇曰均平也翰

曰已矣哀歎之甚也

贈答上

贈蔡子篤詩

四言 善曰晉官名曰蔡睦字子篤為尚書

王仲宣

向曰蔡子篤為尚書仲宣與之為友同避難荊州子篤還會稽仲宣故贈之

翼翼飛鸞載飛載東

善曰楚辭曰高翔翔之翼翼毛詩曰載飛載鳴良曰翼翼飛鸞貌鸞

鳥以喻子篤也載則也東者東行也

我友云徂言戾舊邦

善曰蔡氏譜曰睦濟陽人毛詩

曰我友敬矣又曰周雖舊邦

銑曰徂往戾至也舊國謂子篤本居濟陽也

舫舟翩翩以泝

大江

善曰楚辭曰將舫舟而下流舫與方同曰舫船也翩翩船行貌逆水上行曰泝流也

蔚矣

荒塗時行靡通

善曰董仲舒士不遇賦曰懼荒塗而難踐翰曰蔚草荒蕪貌荒塗以喻時亂

言時既荒亂時行故無通也靡無也

慨我懷慕君子所同

善曰毛詩曰慨我寤歎封禪書

曰懷而慕思也歎而思慕與子篤同君子謂子篤也

良曰慨歎也言我

悠悠世路亂離多

阻

善曰毛詩曰悠悠南行又曰亂離瘼矣向曰時亂人苦別離相阻隔也悠悠遠貌

濟岱江行

五臣作衡邈焉異處

善曰濟岱近兗州子篤所往江衡近荆州仲宣所居也 銑曰濟水名岱山名

子篤所居於此衡山名謂荆州仲宣客在於中邈遠也言兩鄉相遠而異處也

風流雲散一別

如雨

善曰鸛鵒賦曰何今日以雨絕陳琳檄吳將校曰雨絕于天然諸人同有此言未詳其始 濟曰言

此別離各恨時亂如風流雲散無所定止如雨之降不還雲中也

人生實難願其弗與

善曰張奐與崔子書曰人生實難所務非此良曰言人事甚難願則不遂弗與不遂也

瞻望遐路

允企伊佇

善曰毛詩曰瞻望弗及佇立以泣又曰跂予望之鄭玄曰跂足可以望見之跂與企同

翰曰遐遠允信企舉踵望也伊猶惟也

烈烈冬日肅肅淒風

善曰毛詩曰冬日烈烈左

氏傳申豐曰春無淒風向潛鱗在淵歸鴈載軒善曰

曰烈烈寒甚也肅肅風急貌潛鱗在淵歸鴈載軒魚鴈

言時候也毛詩曰魚潛在淵鄭玄曰寒則逃於淵史記

曰楚人有好以弱弓微繳加歸鴈之上軒飛貌銑曰

潛鱗魚也冬寒故潛於泉軒飛貌苟非鴻鴈孰能飛五臣作翻善

之毛詩曰匪鵲匪鳶翰飛戾天毛萇注曰鵲鵬也濟

曰苟且也鵬猛鳥也言且非此鴻鴈誰能飛翻離此亂

時之險雖則追五臣慕子思罔宣善曰法言曰夫進也者

予思日孜孜良曰雖則心之進慕瞻望東路慘愴增

歎平聲東路謂齊陽率彼江流爰逝靡期善曰毛詩曰率彼

爰引逝往靡無也言任君子信誓不遷于時善曰毛詩

其波流引往亦無期止日言笑晏

晏信誓旦旦翰曰誓約也言君子及子同寮生死固

當信約宿心無以時險遂有遷移善曰左氏傳曰先蔑之使也荀林父止之曰同官為寮吾當同寮敢不盡心乎向曰及與也同官為寮

之當須堅固何以贈行言授斯詩善曰晏子春秋曰曾子將行晏子送曰嬰聞贈

生死如一人以財不若以言請以言乎夫蘭本三年成而湛之以酒則君子不近湛之鹿醢貨以匹馬願子勉求所湛

良曰授與也中心孔悼涕淚漣漣善曰毛詩曰中心是悼周易曰泣血漣漣如杜預左氏

傳注曰而語助也濟曰孔甚悼嗟爾君子如何勿思

痛也涕淚如波漣也而亦淚流也善曰毛詩曰君子行役如之何勿思銑曰

君子謂子篤如何勿思言當思此贈之意孫萌字文始少有才學年十五能屬

贈士孫文始

四言 善曰三輔決錄趙政注曰士

文初董卓之誅也父瑞知王允必敗京師不可居乃命萌將家屬至荊州依劉表去無幾果為李傕等所殺及天子都許昌追論誅董卓之功封萌為滄津亭侯與山陽王粲善萌當就國粲等各作詩以贈萌于今詩猶存之 翰同善注

王仲宣

天降喪亂靡國不夷

善曰毛詩曰天降喪亂滅我立王又曰亂生不夷靡國不泯廣雅曰

夷滅也 銑曰靡無也夷猶滅也

我暨我友自彼京師

善曰爾雅曰暨與也毛詩

曰自彼氏羌 良曰暨與也言從京師來此避難也

宗守盪失越用遁違

善曰杜預左氏

傳注曰越遠也 注曰違避也

鄭玄禮記注曰遁逃也孔安國尚書傳濟曰宗守謂國家宗廟所守今則盪除

顛失速用 遷于荆楚在漳之湄 善曰山海經曰荆山漳水出焉毛詩曰居河之

涓 濟曰荆楚荆州 在漳之湄亦克宴處 五臣作起字善曰劉歆

漳水在焉涓岸也 七略曰宴處從容觀詩 和通簾 直 墳 喧 比德車輔 善曰

書 翰曰克能宴安也 曰伯氏吹塤仲氏吹簾毛萇曰土曰塤竹曰簾鄭玄曰

其相應何如塤簾左氏傳曰宮之奇曰諺所謂輔車相依脣亡齒寒其虞虢之謂乎 銑曰簾塤皆樂器吹之

者言與文始和通如吹此樂如御車人為車輔侍矣 既獲禮義卒獲笑語 善曰毛詩曰獻酬交錯禮儀卒度笑語卒獲

也 庶茲永日無咎厥緒 善曰毛詩曰且以喜樂且以永日尚書曰荒陞厥緒 濟曰咎

失厥其 雖曰無咎 時不我已 善曰鄭玄毛詩箋曰已與也 翰曰已成也言

雖無慙時屬喪亂不成
我此志終見別離也

同心離事乃有逝止

善曰張衡怨詩曰同

心離居絕我中腸
同心離事言別也逝往止住也

橫此大江淹彼南汜

善曰楚辭曰橫大江兮揚靈王逸曰橫度大江揚已精誠也毛詩曰江有汜之子歸不我已良曰言文始將

離橫度此大江淹南汜汜浦也
文始所封澹津在荊州南故也
我思弗及載坐載起

善曰毛詩曰瞻望弗及張衡怨詩曰我聞其聲載坐載起
濟曰我思之既不能及故則坐則起
惟彼南

汜君子居之

善曰論語曰君子居之何陋之有
翰曰君子謂文始也

悠悠我心薄

言慕之

善曰毛詩曰青青子衿悠悠我心又曰采采芣苢薄言采之
向曰悠悠遠貌薄辭也

人

亦有言靡詰

五臣作哲

不思

善曰毛詩曰人亦有言靡詰不愚又曰有懷于衛靡日不思

銑曰人謂古人靡無哲智也言賢智之人無不思之矧伊嫵婉胡不悽而善曰毛詩曰矧

伊人矣又曰人無兄弟胡不比焉良曰矧况伊惟也嫵婉好貌胡何也言天下賢智而無不思况惟情好也

何不悽愴晨風夕逝託與之期善曰毛萇詩傳注曰晨風鸛也楚辭曰因歸鳥

而致詞美詞高而難當翰曰離別之後願因晨風瞻之鳥夕往託附遠情以為期信也晨風鳥名其飛疾瞻

仰王室慨其永歎平聲善曰毛詩曰瞻仰昊天尚書曰以舊王室毛詩曰慨其歎矣又曰

我思肥泉茲之永歎濟曰良人在外誰佐天官善曰

曰維此良人弗求弗迪尚書曰天工人其代之孔安國曰人代天理官不以天官私非其材向曰良人謂賢

人謂文始也謂文始在外四國方阻俾爾歸藩善曰毛詩曰四

誰當任天子之官佐任也

國于蕃又曰俾爾多益翰曰四國為中國也阻爾之限使爾歸國以為蕃屏謂文始之滄津也俾使也

歸藩作式下國

善曰尚書曰世世享德萬邦作式鄭玄毛詩箋曰式法也毛詩曰命于下國

銑曰下國謂文始所封之國也

無曰蠻裔不虔汝德

善曰賈逵國語注曰虔敬也良曰

無以為蠻夷荒裔之國不敬汝德虔敬也

慎爾所主

五臣作之字

率由嘉則

善曰毛詩

曰慎爾出話又曰不愆不忘率由舊章又曰仲山甫之德柔嘉維則濟曰所之謂之於澹津也率循由用嘉

善也龍雖勿用志亦靡忒

善曰周易曰潛龍勿用陽在下也鄭玄毛詩箋云忒差也翰曰潛龍勿

用志不可拔也靡無也

悠悠澹澹

禮鬱彼唐林

善曰荊州圖曰漢壽縣城南一百步有澹水出

縣西陽山又曰澧陽縣蓋即澧水為名也在郡西南接澧水晉書曰天門有零陽縣南平郡有作唐縣盛弘之荊州記曰

零陽東接作唐然此三縣連延相接唐林即唐地之林也
向曰悠悠遠也澹澹水名在文始封國唐林地名

鬱深雖則同域邈其迴深善曰爾雅曰迴遠也良曰
遠貌同域與荊州同界也邈遠迴

獨白駒遠志古人所箴允矣君子不遐厥心既往既來

無密爾音善曰毛詩曰皎皎白駒在彼空谷生芻一束其人如玉無金玉爾音而有遐心又曰允矣

君子展也大成翰曰允信邈遠厥其也言信矣君子
豈不大其心人之往來無絕爾音耗密絕也銑曰白

駒詩篇名刺宣王不能留賢賢者乘白駒而去箴戒也喻時亂不能用其文始也

贈文叔良

四言善曰干寶搜神記曰文穎字叔良南陽人繁欽集又云為荊州從事文

叔良作移零陵文而繁集又有贈叔良詩獻帝初平中王粲依荊州劉表然叔良之為從

事益事劉表也詳其詩意似聘蜀結好劉璋也銑曰叔良為劉表從事者使聘益州牧

劉璋贈以此詩戒之

王仲宣

翩翩者鴻率彼江濱

善曰毛詩曰翩翩者騅說文曰翩翩飛疾貌良曰翩翩孤飛貌率

循也君子于征爰聘西鄰

善曰毛詩曰之子于征西鄰謂蜀也向曰君子謂叔良西鄰

益州也臨此洪渚伊思梁岷

善曰楚辭曰伊思兮往古翰曰洪渚大江也梁岷蜀二

山名爾行孔邈如何勿勤

向曰孔甚邈遠勤勞也

君子敬始慎爾所

主

善曰老子曰慎終如始則無敗事孟子曰吾聞之觀近臣以其所為主觀遠臣以其所主趙岐曰近臣當

為遠方來賢者為主遠臣而至主於在謀言必賢五臣作貞

朝臣之賢者也

濟曰敬慎其所行

字錯路說

申輔善曰鄭玄禮記注曰賢善也所言說

字錯

路說

申輔

當申相輔也申或為卑非也

向曰

所謀出之言必正措詞必延陵有作喬五臣作是與

申匡輔之志說詞貞正也

延陵有作喬

喬

是與

善曰公孫喬子產也羊舌肸叔向也左氏傳曰吳公子札聘于鄭見子產如舊相識與之縞帶子產獻紵衣適

晉說叔向將行謂叔向曰吾子勉之君侈而多良大夫

皆富政將在家吾子直必思自勉於難也

翰同善注

聚以此事先民遺跡來世之矩善曰毛詩曰先民有作

戒叔良也

先民遺跡來世之矩

溫恭朝夕尚書曰予恐

來世以台為口實良曰跡謂既慎爾主亦迪知幾探

延陵之跡可為來世之規矩

既慎爾主亦迪知幾探

情以華覲著知微善曰華喻貌越絕書子胥曰聖人見

情以華覲著知微

微知著覲始知已

向曰華貌著明

微暗也言探其情理形貌見明須知其暗機也
濟
曰爾主謂其所主之事迫蹈也亦須蹈知其機也
視

明聰聰靡事不惟

善曰論語孔子曰君子有九思視思
明聰思聰字林曰惟思也
濟曰目

視須明耳聰須聰無事
不思而後行也靡無也

董褐荷名胡寧不師

善曰國語
曰吳晉爭

長未成吳王昏乃戒令秣馬食士於是晉師大駭乃令
董褐請事曰兩君偃兵接好日中為期今大國越境而
造于敝邑之軍曩敢請辭故吳王親對之曰天子有令
周室既卑約貢獻莫入上帝鬼神而不可以之告孤用
親聽命於藩籬之外董褐既致命乃告趙鞅曰觀吳王
之色類有大憂小則嬖妾嫡子死不則國有大難大則
越入吳將毒不可與戰王其許之然而不可徒許也趙
孟許諾晉乃令董褐復命曰曩君之言周室既卑諸侯
失禮於天子今君奄王東海以淫名聞於天下君有短
垣而自踰之况蠻荆則何有於周室夫諸侯無二君而周

無二王君若無卑天子以于其不祥而曰吳公孤敢不順從君命長弟吳王許諾及退就幕而會吳公先軟晉侯亞之韋昭曰董褐晉大夫司馬寅也毛詩曰胡寧忍予翰曰吳王夫差會晉定公吳帶甲三萬欲劫晉求盟晉人大駭乃令董褐請事於吳吳乃退就幕而會董褐之力也荷重胡何寧安也董褐既有此重名以解國難何得安然不為師法也以此事喻叔良使益州後解國難也

衆不可蓋無尚我言

善曰

家語金人銘曰君子知天下之不可蓋也故下之廣雅曰尚高也良曰天下衆事不可蓋藏無高慢我此言

也
梧宮致辯齊楚構患

平聲善曰說苑曰楚使使者聘於齊齊王饗之於梧宮使者

曰大哉梧乎王曰江海之魚必吞舟大國之樹必巨圍使者何怪焉使者曰然昔者燕攻齊焚雍門飲馬于淄澠定獲於琅邪王與太后奔莒逃于咸陽之山敢問當此之時梧之大小何如王命陳先生對之陳子曰臣不

如駘勃駘勃對曰使者問植梧之始耶昔楚無道殺子胥之父子胥奔吳吳以為相後將兵伐楚以復父之讎楚王奔隨吳王入郢子胥親射宮門鞭平王之墳當此之時梧始生之年也齊楚於是構怨遂舉兵相伐也

銑曰梧宮同善注此戒叔良無作辯說以逆前事

成功有要在衆思歡

善曰尚書帝曰

成允成功惟汝賢又曰有倫有要向曰要正言成功存正直之節在天下之衆則思惟也

人之多

忌掩之實難

善曰左氏傳秦伯謂公孫枝曰夷吾其定乎對曰今其言多忌克難哉濟曰忌諱

也言人多忌諱其所短而掩蔽之若能不逆其意實為難也此深戒叔良逆人意也

瞻彼黑水滔

滔其流

善曰尚書曰華陽黑水惟梁州毛詩曰滔滔江漢南國之紀

翰曰黑水梁州分則益州屬焉

流貌

江漢有卷允來厥休

善曰言彼二國席卷而來信汝之美也漢書劉敬說高祖

曰今陛下徑往卷蜀漢定三秦良曰江漢蜀也言彼有席卷天下之志若彼信服王命而來自是其美二

邦若否職汝之由

善曰言彼二國若懷不順此汝之由毛詩曰邦國若否仲山甫明之毛萇

詩傳曰若順也否猶臧否也謂善惡也左氏傳范宣子數諸戎曰言語漏泄則職汝之由也良曰若二國否

塞不通為之患逆則由汝職不避所戒者也

緬彼行人鮮克弗留尚哉君子

異于

善作于異字

他仇

善曰少能不留言多淹留也賈逵國語注曰緬思貌也左氏傳曰行人言

使人也毛詩曰靡不有初鮮克有終左氏傳楚子木語范武子之德王曰尚矣哉能歆神人杜預曰尚者上也

毛萇詩傳注曰仇匹也向曰緬遠鮮少克能也尚庶幾也于猶當也仇類也言遠彼行人使於蜀者皆為劉

璋所滯少能不見留者言皆彼留也庶幾君子當異於他類善自勉也

人誰不勤無厚我

憂

善曰楚辭曰惟天地之無窮哀生民之長勤我粲自謂也

翰曰言人誰不為國家勤勞當自勗厲無使

我為深憂也厚深也

惟詩作贈敢詠在舟

善曰言為詩以贈者有在舟之義憂患同也鄧

析子曰同舟渡海中流遇風救患若一言憂患同也

銑曰同舟共濟謂所憂同故以此詩作贈以戒之

贈五官中郎將四首

五言

劉公幹

濟曰魏文帝初為五官中郎將副丞相文帝來視楨疾去後楨賦詩以贈之謂

未即帝位時也

昔我從元后整駕至南鄉

善曰元后謂曹操也至南鄉謂征劉表也尚書曰衆非元

后何載張衡思玄賦曰爰整駕而並行毛詩曰維汝荆楚居國南鄉

良曰元大后君也謂武帝南鄉誰國帝

之舊 過彼豐沛都與君共翱翔善曰豐沛漢高祖所居以喻熊也君謂五官也毛

詩曰將翱將翔向曰從武帝至舊鄉如漢高過故國豐沛之都翔翔游也言如鳥翼之同飛四節相

推斥季冬風且涼善曰潘安仁悼亡詩曰暉靈運天機四節代遷逝周易曰寒暑相推而歲

成焉廣雅曰斥推也翰曰四節四時之節推斥相推逐也言歲月促而易往也衆賓會廣座

善作明燈五臣燈熇火其切五炎光善曰史記侯嬴曰公

坐之中楚辭曰蘭膏明燭華銑曰熇熇與燈音義清歌製

妙聲萬舞在中堂善曰毛詩曰公庭萬舞鄭玄曰萬金

壘善曰含甘善作醴禮羽觴行無方善曰毛詩曰我姑

瑤漿蜜勺實羽觴向曰疊爵也甘醴美酒也羽觴酒盃為雀形也無方猶無筭也長夜忘歸來

聊且為大康善曰毛詩曰無已大康職思其居翰曰言醉樂忘歸也于時戎馬稍息故云大康

康安也四牡向路馳歡善作歡字悅誠未央善曰四牡謂驪駒也漢書王戎曰聞

之於師客歌驪駒主人歌無庸歸音義曰逸詩篇名也良曰四牡四馬也誠志央罷也

余嬰沉五臣作沈痼疾竄身清漳濱善曰禮記曰身有痼疾說文曰痼久也漢書曰

魏郡武始縣漳水至邯鄲入漳山海經曰少山清漳水出焉東流于濁漳之水翰曰前篇叙昔日游從此述

沈疾在鄴都也嬰纏也沈痼疾皆病也竄居也清漳水名濱畔也自夏涉玄冬彌曠五臣

作十餘旬善曰揚雄羽獵賦曰玄冬季月天地隆烈杜預左氏傳注曰彌遠也蒼頡篇曰曠疎曠也

翰曰冬日其神玄冥故云玄冬言臥疾從夏至冬相與遠疎已十餘旬也彌遠曠疎也常恐游岱

宗不復見故人

善曰援神契曰太山天帝孫也主召人魂尚書曰至于岱宗太山為四岳宗也

翰曰岱宗太山也人命屬之則疾恐死故云恐游岱宗也故人則文帝也

所親一何篤步

趾慰我身

善曰左氏傳遂啓疆曰今君親步玉趾良日所親謂文帝也篤厚趾足也言能行步車

足來看我疾以慰我身也

清談同日夕情所叙憂勤

善曰毛詩曰朝夕思念至於憂

勤也

濟曰言來看疾與之談說同至於夜情相顧所叙述憂恤勤勞也

便復為別辭游車

歸西隣素葉隨風起廣路揚埃塵

善曰西隣鄰都濟曰清談至於日夕文

帝便歸洛陽故云西隣游車則帝所乘也素葉木葉落也

逝者如流水哀此遂離分

善曰論語曰子在川上曰逝者如斯夫不舍晝夜
銑曰人命將往如水之流況此臥疾遂哀分離恐不復相

見也追問何時會要我以陽春
善曰楚辭曰無衣裘以御冬恐死不得見乎陽春

向曰謂別時相問何時
為會期我春時要期也望慕結不解貽爾新詩文
善曰蔡邕

替師賦曰詠新詩以悲歌
翰曰望慕相思愁勉哉修結而不解故遺爾此詩也新詩文則此詩也

令德北面自寵珍
善曰左氏傳曰忠為令德北面臣位也禮記曰君之南鄉答陽之義也臣

之北面答君之義也
良曰戒文帝自勗勉勤修令德北面事君以保寵貴是時漢帝尚在

秋日多悲懷感慨以長歎
平聲善曰毛萇詩傳曰秋士悲也良曰慨謂感歎也

終夜不遑寐叙意於濡翰
善曰毛詩曰不遑假寐楚辭曰魂恍恍兮不遑寐韋昭漢

書注曰翰筆也

向曰遑暇寐臥

明燈

五臣作燈

曜閨中清

濡沾翰筆也叙意沾筆謂作文

風淒已寒

向曰淒急也

白露塗前庭應門重其關

善曰楚辭曰白露紛

以塗毛詩曰乃立應門爾雅曰正門謂之應門

銑曰應門正南門四節相推斥歲月忽

欲殫

善曰禮記曰歲既殫矣良曰殫盡也

壯士遠出征戎事將獨難

善曰

壯士謂五官也漢書高祖曰壯士行何畏出征謂在孟津也魏志曰建安十六年文帝立為五官中郎將典略

曰建安二十二年魏郡大疫徐幹劉楨等俱逝然其間唯有鎮孟津及黎陽而無所征伐故疑出征謂在孟津

也以在鄴故曰出征以有兵衛故曰戎事也翰

涕泣

灑衣裳能不懷所歡

善曰涕泣楨自謂也濟曰言別後思懷常日所為歡會也

涼風吹沙礫霜氣

五臣作
氣霜

何皚皚

五米切
卦驗曰

巽氣不至則

大風揚沙礫小石也說文曰皚皚霜雪貌劉歆遂初賦曰漂積雪之皚皚牛哀切

向曰豫思文帝在軍之時

也礫小石也氣邊氣皚皚白貌

明月照緹幕華燈散炎輝

五臣作暉
善曰緹丹色

也楚辭曰蘭膏明燭華燈錯銑與燈同銑曰緹丹黃色

賦詩連篇章極夜不知歸

善曰論衡曰輿論立說結連篇章者文人鴻儒也良曰連篇章謂與諸文人連詩不知歸謂不知疲也

君

侯多壯思文雅縱橫飛

善曰漢儀注曰列侯為丞相稱君侯大戴禮曰天子不知文雅

之辭少師之任文帝也文雅之志縱橫如飛

翰曰君侯

小臣信頑魯

善作
鹵字

僂俛安

能追

善曰儀禮曰小臣正辭李尤東觀賦曰臣雖頑鹵慕小雅斯干歎詠之美毛詩曰僂俛從事不敢告

勞論語曰參也魯孔安國曰魯鈍也魯與國同
向曰此自謙才不及文帝也倂倂俯仰也追猶及也

贈徐幹

五言 濟曰是時徐在西掖劉在禁省故有此詩

劉公幹

誰謂相去遠隔此西掖垣

善曰毛詩曰誰謂宋遠跋余望之洛陽故宮銘曰洛陽宮

有東掖門西掖門 銑曰有東西掖兩門徐在西故云隔也垣牆也

拘限清切禁中情無

由宣

善曰史記曰景帝居禁中禁中者門戶有禁非侍御不得入楚辭曰抒中情而為詩 良曰拘拘束

有限限阻也清切猶嚴切也天子所居曰禁言各

思子沉

有拘束阻限在於嚴切之所中情無由宣通
五臣
作沈
心曲長歎不能言

善曰毛詩曰在其板屋亂我起心曲古詩曰氣結不能言

坐失次第一日三四遷

向曰遷移也

步出北寺門遙望西苑

園

善曰風俗通曰尚書侍御史謁者所止皆曰寺也

向曰寺司也謂楨主司之地

細柳夾道

生方塘含清源

善曰思玄賦曰且余沐於清源濟曰塘池源流也

輕葉隨風轉

飛鳥何翻翻

善曰楚辭曰漂翻翻其上下銑曰葉木葉也翻翻孤飛貌

乖人易感動

涕

五臣作淚字

下與衿連仰視白日光皦皦高且懸

善曰毛詩曰謂

余不信有如皦日毛萇曰皦白也楚辭曰晞白日兮皦皦良曰乖離也皦皦日光貌日在天垂照於空若懸

也兼燭八紘內物類無頗偏我獨抱深感不得與比焉

善曰韓子曰朱孺對衛靈公曰夫日兼燭天下一物不能當也揚雄解嘲云日月之經不千里則不能燭六合

糴八結音表曰八方之綱維也尚書曰無偏無陂遵王之義
翰曰言日光照燭天下無所偏頗而我獨抱此深感失志不得
與比於衆物也

贈從弟三首

五言 濟曰公幹從弟蓋尋究無名

劉公幹

汎汎東流水磷磷

水中石

善曰呂氏春秋曰水泉東流日夜不休毛詩曰楊之

水白石磷磷毛萇曰消微也

銑曰磷磷水中見石貌

蘋藻生其涯華葉紛擾溺

善曰華紛何擾溺

采之薦宗廟可以羞嘉客

善曰蘋藻以喻從弟也左氏傳君子

曰苟有明信澗谿沼沚之毛蘋蘩蕓藻之菜可薦於鬼神可羞於王公毛詩曰所謂伊人於焉嘉客向曰蘋

藻草名涯岸也紛擾溺多兒良曰采此蘋藻可薦於宗廟進於王公蓋進也嘉賓乃王公也豈無園

中葵懿此出深澤

善曰古詩曰青青園中葵朝露待日晞爾雅曰懿美也翰曰深澤謂流

水中石也此言豈更無珍美之物以羞進宗廟王公蓋美此出於幽深也

亭亭山上松瑟瑟谷中風

向曰亭亭高貌瑟瑟風聲

風聲一何盛松

枝一何勁

向曰勁堅也

冰霜正慘悽終歲常端正

善曰楚辭曰霜露惜

悽而交下濟曰慘悽寒貌端正謂花色不變

豈不羅凝寒松栢有本性

善曰凝嚴

也莊子曰天寒既至雪霜將降吾是以知松栢之茂也翰曰人心堅貞亦當如此終世不改易

鳳皇集南嶽徘徊孤竹根

善曰鳳生丹穴故曰南嶽鄭玄毛詩箋曰鳳皇之性非竹

實不食亦喻從弟也 良曰鳳皇生丹穴在南故云 南歎徘徊未安食此竹實也 根竹莖莖根通言也 於

心有不厭奮翅凌紫氛

向曰厭足凌上也紫氛天氣也 食此竹實心有不足喻非明時

而食祿奮翅羽 上出於人也

豈不常勤苦羞與黃雀羣

善曰黃雀喻 俗士也 翰


曰勤勞也黃雀喻小人言高飛遠游 豈不勞苦羞恥與小人羣於朝廷

何時當來儀將須

聖明君

善曰尚書曰鳳皇來儀孔安國曰聖人受命則 鳳皇至 翰曰言鳳皇一去何時當見光儀將

待聖明君 也須待也



文選卷二十三